



唐詩紀事 六十三之九



漢書門			
三	九	三	七
冊	架	函	號
三	九	三	七

內閣文庫			
三	九	三	七
冊	架	函	號
三	九	三	七

內閣文庫	
番號	漢 3937
冊數	12 (11)
函號	363 103





唐詩紀事卷第六十三

方干

劉駕

王駕

衛準

詹雄

顧非熊

司馬圖

秦韜玉

潘誠

胡駢

高駢

潘綿

武瓘

于鄴

路德筵

翁承贊

韓垂

方干

早春云運行元化不參差四極中華共一時正氣纔
隨灰律變殘寒便被柳條欺水融太澤陽春覺草綠
根塵夜雨知不信風光疾於箭年來年去變霜鬢

越州使院竹云莫見凌雲飄粉籜須知礙石作盤根
細看枝上蟬吟處猶是笋時虫食痕月送綠陰斜上
砌露凝寒色濕遮門列仙終日逍遙地鳥雀潛來不
敢喧

除夜云玉漏斯須即達晨四時吹轉任風輪寒燈短
燼方燒臍盡角殘聲已報春明日便爲經歲客昨朝
猶是少年人新正定數隨年減浮世惟應百遍新
千爲人質野每見人設三拜曰禮數有三識者呼爲
方三拜爲人脣缺連應十餘舉遂歸鏡湖後十數年
遇醫補唇年已老矣鏡湖人号曰補唇先生鏡湖西

島閑居詩曰寒居壓鏡心此處是家林梁燕欺春醉
嵒猿學夜吟雲連平地起月向白波沉猶自聞鍾角
栖身可在深又云無人如不容吾自縱天慵落葉憑
風掃秋粳任水春花朝連郭霧雪夜隔湖鍾身在能
無事頭宜白此峰又感懷云至葉不得力到今猶苦
吟吟成五字句用破一生心世路屈聲滿雲溪窅兀
深前賢多晚達莫怕鬢霜侵于爲詩如鶴盤遠勢投
孤嶼蟬曳殘聲過別枝齊梁已來未之有也
孫郃哭元英方先生云斗失文星落知是先生死湖
上聞哭聲門前見彈指官無一寸祿名傳千万里死

唐詩卷之二十一
着紙衣裳生誰念朱紫我心痛其語淚落不能已猶
喜爲補闕揚名獻天子

干師徐凝干常刺凝曰把得新詩草裏論反語曰村
裏老餘杭守謂干苦冷曰未能應卒因夜燕以飛字
韻命賦之干詩立成日間世星郎夜燕時丁丁寒漏
滴聲微琵琶絃促千般調鴛鴦盃深四散飛遍請玉
容歌白雪高烧紅燭熨朱衣人間有此榮華事爭遣
漁翁戀釣磯唐末宰臣張文蔚中書舍人封舜卿奏
名儒不遇者十有五人請賜一官以蔚冥魂干其一
也干寄李頻云山木又搖落望君還不還軒車何處

去雨雪滿前山思苦寒星動鄉遙釣渚閑明年見名
字唯我獨何顏又有題桃花塢周處士別業云細泉
出石飛難盡孤燭和雲濕不明何事懶於檣叔夜更
無書札谷公卿又貽天目中峯客有枯井夜聞隣果
落廢巢寒見別禽來之何張爲取作主客圖

只融贈干詩曰把筆及爲詩何人敵夫子句滿天下
口名聒天下耳不識朝不識市曠道遙閑徙倚一杯
酒無万事一棹舟無千里衣裳白雲坐卧流水霜落
風高忽相憶惠然見訪留一夕一夕聽吟十數篇水
榭林蘿爲岑寂拂旦捨我亦不辭携筇徑去隨所適

無處覓雲半片鶴一隻

僧可朋贈干詩云盛名傳出自皇州一舉參差便縮
頭月裏豈無攀桂分湖中剛愛釣魚休童偷詩藁呈
隣叟客乞書題謁郡侯獨泛短舟何限景波濤西接
洞庭秋

僧貫休贈詩云盛名與高隱合近謝敷村弟子已得
桂先生猶濯齒投綸侵海分得句覓雲根白日昇天
路知君別有門弟子謂至煩也

僧虛中悼干云先生在世日祇向鏡湖居明主未巡
狩白頭閑釣魚烟莎一徑小洲島四隣踈獨有為

者時來市舊廬

孫郇元英先生傳曰先生新定人字雄飛章八元即
先生外王父也廣明中和間為律詩江之南未有及
者始謁錢塘守姚公郇公視其貌陋初甚侮之坐定
覽卷駭目變容而歎之先生一舉不得志遂遯於會
稽魚於鑑湖與鄭仁規李頻陶詳為三益友弟子洪
農楊奩釋子居遠先生卒奩編其詩請舍人王贊為
之序贊序云張祐升杜甫之堂方干入錢起之室云

劉駕

吳中懷古云勾踐飲膽日吳王酒滿盃笙歌入海雲

聲自姑蘇來西施舞初罷侍兒整金篦衆女不敢妬
自比泉下泥越鼓聲騰騰吳王隔黃溪難將角東地
更學會稽栖

上巳云上巳曲江濱喧於市井路相尋不見者此地
皆相遇日光去此遠翠幕張和霧何事歡娛中易覺
春城暮物情重此節不是愛芳樹明日花更多何人
肯回顧

駕與曹鄴友善工古風鄴大中時擢第不出京候駕
登科同去

上續殘夢馬嘶而復驚心孤多所慮僮僕近我行

句只恐塞上山低於沙中骨句蒲帆出浦去但見滴
邊樹不如馬行郎馬跡猶在路大舟不相載買宅令
妾住莫道留金多本非愛郎富句右張爲取作主客

圖

王駕

司空圖喜王駕小儀重陽相訪云白菊初開卧内明
聞君相訪病身輕罇前且撥傷心事谿上還隨覓句
行幽鷓傍人疑舊識殘蟬向月噪新晴擬將寂寞同
留住且勸康時立大名

僖宗幸蜀駕下第還蒲中鄭谷以詩送云孤單取仕

休言余早晚逢人苦愛詩後有次韻王駕校書結綬
見寄之什云直應歸諫苑方肯別山村勤苦常同業
孤單共感恩駕夏雨詩云非惟消旱旱且喜救生民
天地如 園林似却春洗風清枕簟換夜失埃塵
又作豐年望田夫笑向人

駕字大用河中人登大順進士第仕至禮部員外郎
自稱守素先生與圖谷相為詩友

衛準 亦作單

莫言閑話是閑話往往事從閑話來 何必剃頭為
弟子無家便是出家人 句右張為取前句作主客圖

準大歷五年登進士第

詹雄

塵飛遺恨盡花落古宮平 洛陽古城句 紅粉笙歌人代遠
月明陵樹水東流 銅雀堂句 右張為取作主客圖

顧非熊

寄費冠卿云先生九華隱鳥道隔塵埃石室和雲住
山田引燒開久閑仙客降高卧詔書來一人深林去
人間更不回

長安清明言懷云明時帝里遇清明還逐遊人出禁
城九陌芳菲寫心轉万家車馬雨初晴客中下第逢

今日愁裏看花獸此生春色來年誰是主不堪悲悴
更無成

非熊滑稽好凌轢在舉場垂三十年長慶中於第劉
得仁賀以詩云愚爲童稚時已解念君詩及得高科
晚須逢聖主知成名歸茅山項斯送以詩曰吟詩三
十載成此一名難自有恩門人全無帝里歡湖光愁
裏碧晶影夢中寒到後於松月何人共曉看非熊大
中時自貶貽簿弃官隱茅山

非熊况之子曰段成式云况始喪子年七十况哭之
曰老人喪愛子曰暮哭成血聲逐斷猿悲跡隨飛鳥
滅老夫已七十不作多時別後再生子七歲其凡戲
批之忽曰我尔之凡何故批我乃叙前生事歷歷不
誤即非熊也

姚合送非熊下第歸越詩云失意尋歸路親知不復
過家山向城遠日月在船多楚塞數逢雁浙江長有
波秋風別鄉老還聽鹿鳴歌

賈島寄非熊詩云知君歸有處山水亦難齊猶去瀟
湘遠不聞猿狖啼穴通茅嶺下潮滿石城西獨立生
遙思秋原日漸低

司空圖

圖與李生論詩云文之難詩尤難古今之喻多矣而
愚以辨於味而后可以言詩也江嶺之南凡是資於
適口者若醢非不酸也止於酸而已若醢非不醢也
止於醢而已華之人所以充飢而遽輟者知其醢酸
之外醇美者有所乏耳彼江嶺之人習之而不辨者
宜哉詩貫六義則諷諭抑揚淳蓄淵雅皆在其間矣
然直致所得以格自竒前輩諸集亦不專工於此矧
其下者耶王右丞韋蘇州澄澹精緻格在其中豈妨
於道舉哉賈閬仙誠有警句視其全篇意思殊餒大
詆附寒澁方可直才亦爲體之不備也矧其下者哉

噫近而不盡然後可以言韻外之致耳愚幼嘗自負
既久而愈覺缺然得於春早則有草嫩侵沙長水輕
著雨消又人家寒食月花影午時天又雨微吟足思
花落夢無慘得於山中則有坡暖冬生笋松涼夏徙
人又川明虹照雨樹密鳥衝天得於江南則戍鼓和
潮暗船燈照島幽又曲塘春盡雨方響夜深船又夜
短猿聲減風和鵲喜靈得於塞下則有馬色經寒慘
鷗聲帶晚飢得於喪亂則有驂騑思故第鸚鵡失佳
人又鯨鯢人海涸魑魅棘林高得於道宮則有碁聲
花院靜幡影石壇幽得於夏景則有地涼清鶴夢林

靜肅僧儀得於佛寺則有松日明金像苔龕響木魚
又解吟僧亦俗愛舞鶴終卑得於郊園則有遠坡春
早慘猶有水禽飛得於樂府則有晚粧留拜月春暝
更生香得於寂寥則有孤螢出荒池落葉穿破屋得
於愜適則有客來當意愜花發遇歌成雖庶幾不瀆
於淺涸亦未廢作者之譏訶也七言云逃難人多分
隙地放生鹿大出寒林又得劍下如添健僕亡書久
似憶良朋又孤嶼池痕春漲滿小欄花韻午晴初又
故國春歸未有涯小欄高檻別人家五更惆悵迴孤
枕猶自殘燈照落花又甲子今重數生涯只自憐殷

勤元日日歌午又明年皆不拘一槩也蓋絕句之作
本於詒極外千變萬狀不知所以神而自神也豈容
易哉今足下之詩時輩固有難及儻復以全美為上
即知味外旨矣

與王駕評詩云末伎之工雖蒙譽於賢若未足自信
必俟推於其類而后神躍而色揚今之贊藝者反是
若即醫而斬其病也唯恐彼之善察藥之我攻耳以
為率人以謾莫能自振痛哉且工之尤者莫若彼於
文章其能不死於詩者比他伎尤寡豈可容易按量
哉圖幼生上好文雅風流特盛沈宋始興之後傑出

於江寧宏肆於李杜極矣右丞蘇州趣味深憂若清
沅之貫達大曆十數公抑又其次馬力勅而烝孱乃
都市豪沽耳劉公夢得楊巨源亦各有勝會閩仙無
可劉得仁輩時得致亦足滌煩厥後所聞逾褊淺矣
然河汾蟠鬱之烝宜繼有人今王生者寓居其間沉
清益久五言所得長於思興皆乃詩家之所尚者則
前所謂必推於其類豈止神躍色揚哉經亂索居得
其所錄尚累百篇其勤亦至矣吾適又自編一鳴集
且云撐霆裂月勅作者之肝脾亦當吾言之無作也
王禹偁五代史闕文云圖字表聖自言泗州人有俊

才咸通中登進士第雅好爲文躁於進取頗自矜伐
端士鄙之從事使府洎登朝驟歷清顯巢賊之亂車
駕播迁圖有先人旧業在中條山極林泉之美圖自
禮部員外郎避地焉日以詩酒自娛屬天下版蕩士
人多徃依之互相推獎由是聲名籍甚昭宗反正以
戶部侍郎召至京師圖既負才慢世謂已當爲宰輔
時人惡之稍抑其銳圖憤憤謝病復歸中條與人書
疏不名官位但稱知非子又稱柰辱居士其所居在
俛貽谿之上結茅屋舍曰休休亭嘗自爲亭記云云

已上梁謹案圖河中虞鄉人少有文采未爲鄉里所

史田文

史田文

唐紀卷六十三
稱會王凝自尚書郎出爲絳州刺史圖以文謁之大
爲凝知入知制誥遷中書舍人知貢舉擢圖上第項
之凝出爲宣州觀察史辟圖爲從事既度江御史府
奏圖監察下詔追之圖感凝知己之恩不忍輕離幕
府滿百日不赴闕爲臺司所劾遂以本官分司久之
召拜禮部員外郎俄知制誥故集中有文曰戀恩稽
禽黜繫洛師於今十年方忝綸閣此豈躁于進取者
卽曰史不詳一至於此是圖見唐政多僻中官用事知
天下必亂卽棄官歸中條山尋以中書舍人召拜禮
部侍郎皆不起及昭宗播遷華下圖以密迎乘

輿卽時奔問復歸還山故其詩曰多病形容五十三
誰怜借笏趨朝參此豈有意於相位邪河中節度使
王重榮誑圖撰碑得絹數千死圖致于虞卿市中恣
鄉人所取一日而盡是時盜賊充斥獨不入王官谷
河中士人依圖避難獲免者甚衆昭宗東遷又以兵
部侍郎召至洛下爲柳璨所沮一謝而退梁祖授禪
以禮部尚書召辭以老病卒時年八十餘又案梁室
大臣如恭本字犯翔李振杜曉湯涉等皆唐朝舊族
本以忠義立身重侯累將三百餘年一旦委質朱梁
其甚者贊成殺逆唯圖以清直避世終身不仕梁祖

故梁史拾圖小瑕以泯大節者良有以也裴晉公赴
敵淮西題名華岳之闕門大順中圖以一絕紀之云
岳前大隊赴淮西從此中原息鼓聲石闕莫教苔蘚
上分明認取晉公題題休休亭之楹曰咄諾休休休
莫伎倆雖多性靈惡賴是長教閑處著休休休莫莫
莫一局棋一爐藥天意時情且料度白日偏催人快
活黃金難買堪騎鶴若曰尔何能答曰耐苦莫柳傑
爲相臣僚多被放逐圖爲監察御史尤加畏慎昭宗
郊禮畢上章懇乞致仕曰察臣本意非爲官榮可驗
衰羸庶全名節上特賜歸山其詔畧曰旣養高以傲

世類移山以釣名心也惟樂於漱流仕非顯於食祿
匪夷匪惠特忘文正之朝載省載思當狗遯棲之志
宜放歸中條山詔辭乃傑之文也時多以四皓二疎
譽之惟僧虛中云道裝汀鶴識春醉野人扶言其操
履檢身非傲世者也又云有時看御扎特地挂朝衣
言其尊戴存誠非邀君也

退栖云官遊蕭索爲無能移住中條最上層得劍乍
如添健僕亡書久似憶良朋燕昭不是空憐馬支遁
何妨亦愛鷹自致此身繩檢外肯教世路日兢兢
華下云日炙旱雲裂迸爲千道血天地沸一鑊竟自

烹妖孽堯湯遇災數災數還中輟何事姦與邪古來
難撲滅

僧舍貽友人云笑破人間事吾徒莫自欺解吟僧亦
俗愛舞鶴終卑竹上題幽夢溪邊約敵碁舊山歸有
阻不是故遲遲

長安贈王云正下搜賢詔多君獨避名安來當意
愜花發遇歌成樂地留高趣權門讓後生東風閑小
駟園外好同行

下方云昏旦松軒下怡然對一瓢雨微吟足思花落
夢無慘細事當甚遣衰容喜鏡饒溪僧有深趣書至

又相邀

黃巢陷長安孫樵赴岐隴授職方員外詔書曰行在
三絕以常侍李隲有曾閔之行圖有巢由之風樵有
楊馬之文故也

秦韜玉

對花云長與韶光暗有期可憐蜂蝶却先知誰家促
席臨低樹何處橫釵帶小枝麗日多晴疑曲照和風
得路合偏吹向人強道渾無語幾勸王孫到醉時
貧女云蓬門未識綺羅香擬托良媒益自傷誰念風
流高格調共伶時世儉梳粧敢將十指誇纖巧不把

唐紀卷六十三
雙眉鬪畫長每恨年年壓金線爲他人作嫁衣裳
貴公子行云堦前莎毬綠不捲銀龜噴香挽不斷亂
花織錦柳撚線粧點池臺畫屏展主人公業傳國初
六親聯亂馳朝車鬪鷄走狗家世事抱來皆佩黃金
魚却笑儒生把書卷學得顏回忍飢面

韜王字仲明京兆人父爲左軍軍將韜出入田令孜
之門又與劉曄李昂士姜垵蔡鋌之徒交遊中貴各
將兩軍書尺僥求魏科時謂對軍解頸僖宗幸蜀韜
王以工部侍郎爲令孜神策判官小歸公主文韜王
准勅及第仍編入榜中韜王以書謝新人呼同年曰

三條燭下雖阻門闌數仞墻邊幸同恩地

潘誠

棧踏猿聲暮江看劍影秋送人遊蜀句僧老白雲上磬寒

高鳥邊句心已同獐狢不聞人是非句三月獨立看

花月只欠子規啼一聲長安行行人渡流水白馬入前

山句秋深雪滿黃金塞夜夜鴻聲入漢陽句右張爲

取作主客圖

胡駢

經費拾遺舊隱詩云林下茅齋已半傾九華幽逕少
人行不將冠劍爲榮事只向烟蘿寄此身松竹漸荒

池上色琴書徒立世間名白楊風起秋山暮時復來
猿啼一聲駢唐末進士也

高駢

駢鎮蜀日以南詔侵暴築羅城四十里朝廷雖加恩
賞亦疑其固護或一日聞奏樂聲響知有改移乃題
風箏寄意曰夜靜絃聲響碧空宮商信任往來風依
稀似曲才堪聽又被移將別調中旬日報到移鎮渚
宮

駢好為詩雅有奇藻其言懷詩曰恨之平戎策慙登
拜將壇手持金越冷身掛鐵衣寒主聖扶持易恩深

報効難三邊猶未靜何敢便休官

又二妃廟云帝舜南巡去不還二妃幽怨水雲間當
時珠淚垂多少直到如今竹尚斑

又雪詩云六出花飄入戶時立看修竹變瓊枝逡巡
好上高樓看蓋盡人間惡路岐

聽歌詩云公子邀歡月滿樓佳人揭調唱伊州便將
席上秋風起直到蕭關水盡頭

又寄僧筇竹杖詩云堅輕筇竹杖一枝有九節寄與
沃州僧閑步秋山月

光啓三年駢鎮淮海二月看花駢與諸從事詩其末

唐詩卷五十一
云人間無限傷心事不得罇前折一枝蓋亡滅之識也及被幽辱計口給食自五月至八月外圍益急遂及於難

駢字千里崇文孫也生於長慶之首卒于光啓之間家世禁衛頗修飭折爲文學與諸儒交硜硜談治道兩軍中人更稱譽之号落雕侍御赴安南却寄台司云曾驅万馬靜江山風去雲迴頃刻間今日海門南面事莫教還似鳳林關

步虛詞云青溪道士人不識上天下天鶴一隻洞門深鎖碧牕寒滴露研朱點周易

題羅浮別業云不將真性染埃塵爲有烟霞伴此身帶月長江好歸去博羅山下碧桃春

聞河中王鐸加都統云煉水燒鉛四十年至今猶在藥爐前不知子晉緣何事只學吹簫便得仙其驕傲不平如此

潘緯

中秋月云古今逢此夜共異沈寥明豈是月華別祇應秋氣清影當中土正輪對八荒平尋客徒留望璿璣自有程

琴云客來鳴素琴惆悵對遺音一曲起於古幾人聽到今盡含風靄遠日泛月烟深風續水山操坐生方

外心

湘南何洎瀟湘賦緯古鏡詩天下傳之或曰潘緯十
年吟古鏡河洎一夜賦瀟湘登咸通進士第

武瓘

九日衛使君筵上作云佳晨登賞喜還鄉謝字開筵
晚興長滿眼黃花初泛酒隔烟紅樹欲迎霜千家門
戶笙歌發十里江山白鳥翔共賀安人豐樂歲幸陪
珠履侍銀章

瓘登咸通進士第唐末宰益陽

勸酒云勸君金屈卮滿酌不須辭花發多風雨人生

足別離

感事云花開蝶滿枝花謝蝶還稀唯有舊巢燕主人
貧亦歸灌初投卷於知舉蕭倣見是詩賞其有存故
之志遂放反第

于鄴

孤雲詩云南北各萬里有雲心更閑因風離海上伴
月到人間洛浦少高樹長安無舊山徘徊不可駐漢
漢又東還

蟬詩云江頭一聲起芳樹已難留聽此高樹上遙知
故國秋應催風落葉似勸客回舟不是新蟬苦年年

自有愁

鄴唐末進士也

路德延

德延儋州巖相之猶子數歲嘗賦芭蕉詩曰一種靈
苗異天然體性虛葉如斜界紙心似倒抽書詩成翌
日傳於都下會儋州坐事誅故德延久不能振光化
初方就舉擢第又為感舊詩曰初騎竹馬詠芭蕉嘗
忝名卿誦滿朝五字便容趨絳帳一枝爭許折丹霄
豈知流落萍蓬遠不覺推遷歲月遙國境未安身未
立至今顏巷守簞瓢天祐中授拾遺會河中節度使

朱友謙領鎮辟掌書記友謙甚禮之然德延浮薄動
多忤物友謙解禮德延乃作小兒詩五十韻以刺友
謙友謙聞而大怒乃因醉沉之黃河詩曰情態任天
然桃紅兩頰鮮乍行人共看初語客多憐臂膊肥如
瓠肌膚軟勝綿長頭纔覆額分角漸垂肩散誕無塵
慮道遙占地仙排衙朱閣上喝道畫堂前合調歌楊
柳齊聲踏採蓮走堤行細雨奔巷趁輕烟嫩竹乘馬
馬新蒲折作鞭駕雞金鏃繫猫子綵絲牽擁鶴歸晴
島驅鷺入暖泉楊花爭弄雪榆葉共收錢錫鏡當胸
挂銀珠對耳懸頭依蒼鶻裘袖學柘枝揔酒殢丹砂

暖茶催小玉，煎頻邀籌箸。掙時乞繡針，穿寶篋。擘紅
豆粧，盃拾翠鈿。戲袍披按褥，火帽戴靴。氈展畫，趨三
垂開屏，笑七賢。貯懷青杏小，垂額綠荷圓。驚滴沾羅
淚，嬌流污錦涎。倦書旣，煙蛇憎藥巧，迂延弄帳燕。綃
映藏，衾鳳綺，纏指敲銀使。鼓筋撥，賽神絃。簾拂魚鈎
動，筆推鴈柱，偏碁圖添路。畫笛管久吹，鐫惱客初酣。
睡驚僧半入禪，尋蛛窮屋瓦，採雀遍樓隸。拋果忙，開
口藏鈎，亂出拳。夜分圍楸拙，朝聚打秋韃折竹裝泥。
鷺添絲放紙，鷺牙誇輪水。碓相教放風，旋旗小。裁紅
絹書幽，戴碧牋。遠鋪張，鵠網低控射。蠅弦詎語時時。

道謠歌處處，傳匿隱眉乍曲。遮路厝相連，闔草當春
逕。爭毬出晚田，柳傍慵獨坐。花底困橫眠，等鶻前。離
畔聽蛩伏砌邊，旁枝粘舞蝶。隈樹捉鳴蟬，平島誇趨
上層崖。逞捷緣嫩苔，車跡小深雪。屐痕全斃，指雲生
岫齊呼月上天。蟻窠尋逕，斲蜂穴透堦。填樵唱迴深
嶺，牛歌下遠川。壘柴爲屋木，和土作盤筵。險砌高臺
石，危跳峻塔埽。忽墜隣舍樹，偷上後池舩。項橐稱師
日，甘羅作相年。明時方任德，勸尔減狂顛。

翁承贊

蕭蕭風雨建陽溪，溪伴維舟見亞齊。一軸新詩劍潭

北十年日識華山西吟魂惜向江村老空性元知世
路迷應笑乘軺青瑣客此時無暇聽猿啼

右承贊詩承贊字文堯閩人唐末為諫議大夫使福
州至劍浦見舊識僧亞齊贈此章

承贊乾寧進士也

唐語曰槐花黃舉子忙承贊有詩曰雨中粧點望中
黃勾引蟬聲送夕陽憶得當年隨計吏馬蹄終日為

君忙

韓垂

垂唐之詩人也題金山云靈山一峰秀岌然殊殿山

盤根大江底影掙浮雲間雷霆常間作風雨時往還
象外懸清影千載長躋攀其詩偶為庸僧所毀江南
時李鍾山留一絕云不嗟白髮曾遊此不嘆征帆無
了期盡日憑欄誰會我只悲不見韓垂詩鍾山公
是勳也

唐詩紀事卷第六十三

送圓載上人云師來一世恣經行却泛滄波問去程

心靜已能防渴鹿聲喧時為駭長鯨師云舟人遇禪鯨則鳴鼓

林幾結金桃重日本金桃實重一片梵室重修鐵瓦輕似鐵為瓦輕為桃者

料得還鄉無別利只應先見日華生

萱字弘至江南進士也中書舍人蕘之弟嘗受知於

張祐故弔於詩序曰尚意孩稚之歲與伯氏常承處

士撫抱之仁目管輅為神童期孔融於偉器萱唐末

與皮陸二生酬唱有詩載松陵集

李穀

和皮日休悼鶴云才子襟期本上清陸雲家鶴伴閑

情猶憐反顧五六里何意忽歸十二城露滴誰聞高

菜墜月沈休藉半階明人間華表堪留語剩向秋風

寄一聲

又云道林曾放雪翎飛應悔庭除閉羽衣料得王恭

披鶴氅倚吟猶待月中歸

浙東羅府西歸酬別張廣文皮先輩陸秀才詩云豈

有頭風筆下痊浪成蠻語向初筵蘭亭舊趾雖曾見

柯笛遺音更不傳照曜文星吳分野留連花月晉名

賢相逢只恨相知晚一曲驪歌又幾年

穀字德師咸通進士也唐末為浙東觀察推官兼殿

中侍御史日休松陵集序云南陽廣文潤卿隴西侍
御德師咸旅泊之際善其所為皆以詞致師詞之不
多去之速也穀西歸日休詩云建安才子太微仙暫
上金臺許二年形影欲歸温室樹夢魂猶傍越溪蓮
空將海月為僮鬼恨吳天詩脫下段

司馬都

鄭璧

和陸龜蒙白菊詩云白艷輕明帶露痕始知佳色重
難群終朝疑笑梁王雪盡日慵看蜀帝雲燕雨似翻
瑤渚浪鴈風疑卷玉綃紋瓊飛若會寬裁剪堪作蟾
宮夜舞裙

壁唐末江南進士也與皮六二生酬唱又有寒夜文
誰張潤卿有期不至詩云已知羽駕朝今闕不用燒
蘭望玉京應是登仙明月好玉皇留看舞雙成

崔璞

奉酬霜菊見贈詩云菊花開晚過秋風聞道芳香正
蒲叢爭奈病夫難強飲應須速自召車公

蒙恩除替將還京洛偶叙所懷云兩載求人瘼三春
受代歸務繁多簿籍才短泛恩威共理乖天獎分憂
值歲饑遽蒙文郡印到任十二个月除替未及三年安敢整朝衣作
牧慙為政思鄉念式微儻容還故里高卧掩柴扉

璞唐末以大司諫刺蘇州其詩見皮六二生松林唱和集

魏朴

和皮日休悼鶴云直欲裁詩問杳冥豈教靈化亦浮生風林月動疑留魄沙島香愁似蘊情雪骨夜封蒼蘚冷練衣寒在碧塘輕人間飛去猶堪恨况是泉臺遠王京

又云經秋宋玉已悲傷况報胎禽昨夜亡霜曉起來無問處伴僧彈指遶荷塘

朴唐末吳中名士也皮日休松陵詩序云潤鄉德師

旅泊之際以詞致師大司諫清河公有作崔或命之

和亦著焉其餘則吳中名士謂司馬都鄭璧朴與顏萱

張賁

旅泊吳門云一舸吳江晚堪憂病廣文鱸魚誰與伴鷗鳥自成群及照縱橫水斜空斷續雲異鄉無限思盡付酒醺醺

酬龔美先輩見寄云尋疑天意喪斯文故選茅峰寄白雲酒後只留滄海客香前唯見紫陽君近年已絕詩書癖今日兼將筆硯焚為有此身猶苦患不知何者是玄纁

唐詩卷六十四
和陸龜蒙白菊詩云雪綵冰姿孺女華寄聲多是地
仙家有時南國和霜立幾處東籬伴月斜謝客瓊枝
空貯恨袁郎金鈿不成夸自知終古清香在更出梅
粧弄晚霞

賁字潤卿南陽人登大中進士第唐末為廣文博士
寓吳中與皮六二生游其詩多騷旅感激若異鄉無
限思盡付酒醺醺

又送李穀西歸云孤雲獨步本無依江海重逢故舊
稀揚柳漸疎蘆葦白可堪斜日送君歸

陸龜蒙

字魯望父虞賓浙東從事居蘇臺龜蒙攻文與顏堯
皮日休羅隱吳融友善家貧與張搏為廬江吳興二
郡丞李蔚盧攜為景重之羅隱寄詩曰龍樓李丞相昔
歲仰高文黃閣今無主青山竟不焚夜船乘海月秋
寺伴江雲只恐塵埃裏浮名點污君唐末以左拾遺
授之詔下日以疾終於家

皮日休松陵唱和集序云咸通十年日休為吳郡郡
從事有進士陸龜蒙云其業見造其才之變真天地
之氣也近代稱溫飛卿李義山為之最俾生參之未
知孰為後先

龜蒙三吳人也

江謝賦事名振

麗與皮日休為

和功初遇疾而

奠文千餘言畧曰大風吹海海波淪連涵為子文無

偶無邊長松倚雪枯枝半折捉為子文真上巔絕風

下霜晴寒鍾自聲發為子文鏗將杳清武陵深間川

長晝白問為子文渺茫岑寂豕突鯨狂其來莫當雲

沉鳥沒去其倏忽賦若凝脂軟於無骨霏漠漠澹涓

涓春哆冶秋鮮妍觸即碎潭下月拭不滅玉上煙

尤善談笑嘗體

書萬餘卷詩篇清

卷號曰松陵集中

為文誌其墓矣吳子華

江湖散人歌云江湖散人天骨竒短髮搔來蓬半垂

手捉孤篁曳寒繭口誦太古滄浪詞詞云太古万万

古民怪其桎音野無風期夜棲正與禽獸雜獨自架結

縱橫枝因而稱曰有巢氏民共敬貴如君師當時只

効烏鵲輩豈是有意陳尊卑無端後豈穿鑿破一派

前導千流隨多方怙亂元氣死日使父子生姦欺聖

人事業轉消耗尚有漁者存熙熙風波不獨因一士

凡百器具皆能施屨疎扈腐鱸鱖肥上失檢馭無讒

疵人間所謂好男子我見婦女留鬚眉奴顏婢膝真

乞丐反以正直為狂癡所以頭欲散不散弁我魏所

以腰欲散不散珮陸離行散任之適坐散從傾歌語
散空谷應笑散春容披衣散卑復便食散酸醎且書
散忘簪履禽散虛籠池外物一以散中心散何疑不
共諸侯分邑里不與天子專隍陴靜則守桑柘亂則
逃妻兒金鉤紳帶未嘗識白刃投我窮生為或聞藩
將負恩澤號令鐵馬如風馳大君年小丞相少當軸
自請都旌旗神鋒悉出羽林仗繪畫日月蟠龍螭太
宗基業甚牢固小醜背叛當殲夷禁軍近自肅宗署
抑遏輔國爭雄雌必然大段剪兇逆須召勁勇持軍
麾四方賊壘猶古地死者暴骨生寒飢歸來輒擬荷

鋤立詬吏已責租錢遲興師十萬一日費不翅千金
何以支抵今利口且箕歛何暇俛首哀惶髮均荒補
敗豈無術布在方策撐頽巖冰霜襦袴易反掌白面
諸郎殊不知江湖散人悲古道悠悠幸寄羲皇傲官
家未議活蒼生拜賜江湖散人號

甫里先生傳云少攻歌詩與造物者爭柄遇事輒變
化不一其體裁始則凌轢波濤穿穴險固因鑠怪異
破碎陣敵卒造平澹而後已

龜蒙居震澤之南巨積注有闔鴨一欄有驛使過挾
彈斃其尤者蒙蒙乎一表本云此鴨能人語待附蘇

州上進使者斃之奈何使人恐酬以橐中金俟其稍
悅方請人語之由曰能呼其名使人憤且笑拂袖上
馬復召之還其金曰吾戲耳龜蒙少高放從張搏遊
歷湖蘇二州辟以自佐嘗至饒州三日無所詣刺史
蔡京率官屬就見之龜蒙不樂拂衣去不喜交流俗
不乘馬升舟設蓬席齋束書茶竈筆牀釣具往來時
謂江湖散人或號天隨子甫里先生自比涪翁漁父
江上丈人

皮日休

日休字襲美襄陽人咸通中為太常博士遭亂歸

吳中黃巢寇江浙劫以從軍至京師以為翰林學士會
休作讖云欲識聖人姓田八二十一欲知聖人名果頭屈
律巢大怒善巢頭醜掠鬚不盡疑譏之也遂及禍

日休寒日晝齋即事二章云參佐三間似草堂恬然
無事可成忙移時寂歷澆松子盡日殷勤
道齋先衣褐欲清詩思量
禮星辰學步四

不知何事有生涯皮揭裁衣學道家
為相
菜清晨一氣是雲華
板無人
掃桂花江漢欲歸

方朔家貧未有

惟多侵

酒見客唯求轉

看溪月世

情踈如鈎得貴

日休賦龜詩嘲

秋屍骸終

是不風流頑皮死後須

平生不出頭

歸氏子以姓嘲日休云八片尖斜砌作裘火中燻子

水中揉一包閑氣如常在惹踢招奉卒未休

北夢鎖言云日休傲誕自號間氣布衣日休之子光

業辭文宏贍唐末為越州副使

松陵集序曰詩有六義其一曰比比者定物之情狀

也則必謂之才才之備者於聖為六藝在賢為聲詩

噫春秋之後頌聲亡寢降及漢氏詩道荐作然二雅

之風委而不興矣在詩有三言四言五言六言七言

之作三言者曰振振鷺七于飛是也五言者曰誰謂

雀無角何以穿我屋是也六言者我姑酌彼金罍是

也七言者交交黃鳥止于桑是也九言者曰澗酌彼



行潦挹彼注茲是也蓋古詩率以四言為本而漢氏

方以五言七言為之也其句亦出於周詩五言者李

陵曰携手上河梁是也七言漢武曰日月星辰和四

時是也爾後盛於建安以降江左君臣得以浮艷然

然詩之六義微矣逮及吾唐開元之世易其體為律焉始切於儷偶拘於聲勢然詩云遇憫既多受侮不少其對也二矣堯典曰齊依永律和聲其為律也甚矣由漢及唐詩之道盡矣吾文不知千祀之後詩之道止於斯而已即後有變而作者不得以知之夫才之備者猶天地之氣乎氣者止乎一也分而為四時其為春則煦枯發枿如弃如獲百物融洽酣人肌膚其為夏則赫曦朝升天地如甯草蕉木暘若燎毛髮其為秋則涼颼高警若露天骨景爽夕清神不蔽形其為冬則霜陣一棲萬物皆瘁雲沮日慘若憚天

夫如是豈拘於一哉亦變之而已人之有才者不變則已苟變之豈異於是乎故才之用也廣之為滄溟細之為四竇高之為山岳碎之為瓦礫美之為西子惡之為四洽壯之為武賁弱之為處女大則八荒之外不可窮小則一毫之末不可見苟其才如是復能善用之則庖丁之牛慶之輪郢之斤不足謂其神解也噫古之士窮達必形於歌詠苟欲見乎志非文不能宣也於是為其詞詞之作固不能獨善必須人以成之昔周公為詩以貽成王
煩以贈申伯詩之酬贈其來尚矣後每為詩必多
為咸通七

年今兵部令孤負外在淮南今中書舍人
毗陵日休皆以詞獲幸蒙以所製命之和各
軸亦有名其守者十年大司諫清河公世收於吳日
休為部從事居一月有進士陸龜蒙

業見造凡數編其才之變真天地之氣也近代稱温
飛卿李義山為之最俾生參之未知其孰為之後先
雜體詩序云案舜典帝曰命汝典樂教胄子詩言
志歌永言在焉周禮太師之職掌教六詩諷賦比興
風雅互作雜體遂生然後係之于樂府蓋典樂之職
也在漢代李延年為協律造新聲雅道缺樂府乃盛

鏡歌鼓吹拂舞于俞因斯而興詞之體不得不因時
而易也古樂書論之甚詳今不能備載載其他見者
漢武集元封三年作柏梁臺詔群臣二千石有能為
七言詩者乃得上座帝曰日月星辰相四時梁王曰
驂駕駟馬從梁來由是聯句興焉孔融詩曰漁父屈
節水潛匿方作郡姓名離合也由是離合興焉晉傳
咸有迴文反覆詩二首云反覆其文者以示憂心展
轉也悠悠遠邁獨然然也是也由是反覆興焉梁武帝
云後牖有朽柳沈約云偏眠船舷邊由是疊韻興焉
詩云蝶蝶在東又曰鴛鴦在梁由是雜聲興焉詩云

惟南有笑不可以簸揚惟北有斗不可以挹酒漿
 近乎戲也古詩或為之蓋風俗之言也古有採詩官
 命之曰風人園棊燒敗襖看子故依然由是風人之
 作與焉梁書云昭明善賦短韻吳均善厭強韻今亦
 效而為之存干編中陸生與予各有是為凡八十六
 首如四聲詩三字離合全篇雙聲疊韻之作悉陸生
 所為又足見其多能也案齊竟陵王郡縣詩曰追共
 承荔浦一道信雲丘縣名由是興焉案梁元藥名詩
 曰戍客栢山下當思衣錦歸藥名由是興焉陸與予
 亦有是作至如鮑昭之建除沈炯之六甲十二屬梁

簡文之卦名陸惠曉之百姓梁元帝之鳥名龜北蔡
 黃門之口字古詩兩頭纖纖葦砧五雜組已降非不
 能也皆鄙而不為噫由古至律由律至雜詩詩之道
 盡乎此也近代作雜體唯劉賓客集中有迴文離合
 雙聲疊韻如聯句則莫若孟東野與韓文公之多他
 集罕見足知為之之難也

日休疊韻山中吟云穿煙泉潺湲觸竹犢敲觥荒篁
 香墻匡熟鹿伏屈曲

雙聲溪上思云踈衫低通灘冷鷺立亂浪草彩欲夷
 猶雲空容澹蕩

晚秋吟以題十五字韻合東臯壘雨歸耕日免去黃冠首刈

禾火蒲酒壚詩在口今人無計奈儂何

藥名離合夏日即事云季春人病拋芳杜仲夏溪波
遠壞垣不與濁醪身倚桂心中無事到雲昏

懷鹿名縣名離合云山瘦更培秋後桂溪澄閑數晚
來魚臺前過鴈盈千百泉石無情不寄書

寒日古人名云北顧懽遊悲沈宋梁武為比顧南徐陵寢

嘆齊梁水邊韶景無窮柳寒被江淹一半黃

風人詩云江上秋聲起從來浪得名逆風猶掛蓆苦
不會帆情

陸龜蒙詩云十万合師出遙知至憶君一心如瑞表

唯作兩歧分

崔璐

璐有覽皮先輩盛製詩贈日休云河嶽挺靈異星辰
精氣殊在人為英傑與國作禎符襄陽得奇士俊邁
真龍駒勇果魯仲由文賦蜀相如渾浩江海廣葩華
桃李敷小言人無間大言塞空虛幾人遊赤水夫子
得玄珠鬼神爭奧秘天地惜洪鑪既比曾參行仍兼
君子儒吾知上帝意將使居黃樞好保千金體須為
万姓謨

日休和云伊余幼且賤所稟自以殊弱歲謬知道有心臣皇符豈意海上鷹運跼軒下駒縱性作古文所為皆自如但恐才格劣敢誇詞彩敷句句考事實篇篇窮玄虛誰能變羊質競不獲驪珠與有造化手曾聞天地鑪文章艱下秀氣貌淹中儒展我此志業期君持中樞蒼生眼穿望勿作番溪謨

璠登咸通七年進士第

任蕃

宮怨云淚乾紅落臉心盡白垂頭自此方知怨從來豈信愁蕃又有無語與春別細看枝上紅之句張為

取作主客圖

盧休

春寒酒力遲冉冉生微紅寒月自歛草木性誰祝元化功句溢浦風生破膽愁句血染劍花明帳幕三千車馬出漁陽句右張為取作主客圖休不第

劉畋

畋有晚泊漢江渡詩云末秋雲木輕蓮拆晚香清雨下侵苔色雲涼出浪聲疊帆依岸尺微照夾堤明渡吏已頭白遙知客姓名又有雨後句云殘陽來霽岫獨興起滄洲張為取作主客圖舉進士

唐詩紀事卷第六十四

唐詩紀事卷第六十五

袁郊

盧延讓

裴說

張為

韓偓

曹松

杜荀鶴

孫棨

王鐸

鄭綮

胡玠

楊淑

平曾

繆島雲

袁郊

月詩云常娥竊藥出人間藏在蟾宮不放還后羿遍
尋無覓處誰知天上却容姁
霜詩云古今何事不思量盡信鄒生感彼蒼但想燕
山吹暖律炎天豈不解飛霜

露詩云湛湛騰空下碧霄地卑濕處更偏饒管茅豐
草皆露潤不道良田有旱苗

雲詩云楚甸嘗聞旱魃侵從龍應合解為霖荒淫却
入陽臺夢感亂懷襄父子心

郊咸通時為祠部郎中有甘澤謠九章與溫庭筠酬
唱庭筠有開成五年抱疾不得預計偕詩寄郊云逸
足皆先路窮蛟獨向隅是也

郊字之儀滋之子也昭宗時為翰林學士

盧延遜

延遜吟詩多著尋常容易語如送周太保赴浙西云

臂鷹健卒懸檀帽騎馬佳人卷畫衫又寄友人云每
過私第邀看鶴長着公裳送上驢然於數篇見境尤
妙有松寺云山寺取涼當夏夜共僧蹲坐石塔前兩
三條電欲為雨七八个星猶在天衣汗稍停牀上
扇茶香時撥澗中泉通霄聽論蓮華義不藉晉松總一
覺眠又苦吟云莫話詩中事詩中難更無吟安一个字撚
斷數莖鬚險覓天應悶狂搜海亦枯不同文賦易為
著者之乎

又贈僧云浮世浮華一斷空偶拋煩惱到蓮宮高僧
解語牙無水老鶴能飛骨有風野色吟餘生竹外山

陰坐久入池中禪師莫問求名苦滋味過於食蓼虫
曾獻王建詩有栗爆燒檀破猫跳觸鼎翻後建冬夜
與潘峭平章邊事旋令宮人燒栗俄有數栗爆出燒
繡褥時建多疑嘗於爐中燒金鼎命二妃親侍湯茶
而已是夜宮猫相戲悞觸鼎翻建良又曰栗爆燒檀
破猫跳觸鼎翻憶得盧延遜卷有此一聯乃知先輩
裁詩信無虛境來日遂有六行之拜自給事中翰林
拜工部
學士吳融獨重其作盛稱於時且云此子語不尋常
後必垂名楊大年云延遜詩至今存人亦有絕好之
者其播人口有旅舍言懷云名氏毛生五門下家僅

骨立六街中蜀路云雲間開鐸驟駛至雪裏殘骸
拽來懷江上云餓猫臨鼠穴嚙大舐魚砧八月十六
日夜云只訛些子緣應耗没多光寄人云吟安一个
字撚斷數莖鬚及夜云樹上諮諏批頰鳥認間壁駭
叩頭虫哭人云漸窮頑僕慵看馬著慘佳人暗理筆
狐衝官道過大刺店門開租張相每稱之餓猫臨鼠
穴嚙大舐魚砧成中令每稱之栗爆猫跳之句王建
愛之盧日平生投謁公卿不意得猫狗力延遜始投
贄吳子華子華讀至不同文賦易為下者之乎笑曰
上門惡罵來

本朝楊億在翰苑嘗對上言及延遜詩曰臂鷹
健卒懸羶帽騎馬佳人卷畫衫似此淺近亦自成一體
延遜字子善范陽人光化初登第從事既陵雷滿敗
歸王建僭位授水部外郎卒於刑部侍郎師薛能為文

裴說 裴詰

唐舉子先投所業於公卿之門謂之行卷說只行五
言十九首至來年秋賦復行權卷人有譏之者說曰
只此十九首苦吟尚未有人見知何假別行卷哉識
者以為知言說天復六年登甲科其詩以苦吟難得
為工且拘格律嘗有詩曰苦吟僧人定得句將成

又贈僧貫休云揔無方是法難得始為詩又云是事
精皆易唯詩會却難遭亂故宦不達多遊江湖間有
石首縣詩云因携一家住嬴得半年吟深閨乍冷鑑
開篋玉筋微微濕紅頰一陣霜風殺柳條濃烟半夜
成黃葉垂垂白練明如雪獨下間階轉凄切祗知抱
杵搗秋砧不覺高已無月時聞寒雁聲相喚紗窓
只有燈相伴幾度裁離腸恐逐金刀斷細
想儀形執牙尺回刀剪破澄江色愁捻銀針信手縫
惆悵無人試寬窄時時舉袖勻紅淚紅牋謾有千千
字書中不盡心中事一半慇懃寄邊使此說聞砧詩

也說終禮部員外郎說與詣俱有詩名詣唐天祐三
年登第終於桂嶺假官宰字而已同在湘江說詩云
吟餘潮落岸水高經杜甫墳說云擬掘孤墳破重教
大雅生詣云名終埋不得骨朽何妨景同而語意
俱別寔為震美說旅行聞寇云寸步邊多事將行間
四隣深山不畏虎當路却防人無事助明代何門銷
此身空慙兩行淚飄洒向紅塵
洛中作云莫怪苦吟遲詩成鬢亦絲鬢絲猶可染
詩病却難醫山暝雲橫處星沉月側時冥收不盡
一句至公知

中秋月云一歲幾盈虧當軒重此期幸無偏照處剛
有不明時色靜雲歸早光凝故宿遲望吟吟未足皎
皎下踈籬

綦云十九條平路言平又嶮巖人心無筭處國手有
輸時勢迥流星遠聲乾下霄遲臨軒纔一局寒日又
西垂

喜友人再面云一別幾寒暄迢迢隔塞垣相思長有
事及見却無言靜坐將茶試閑書把葉翻依依又留
宿圓月上東軒

張爲

秋醉歌云金風颭已起還是招魚翁携酒天姥岑自
彈嶧陽桐脫却登山履赤脚翹青筇泉聲掃殘暑猿
臂攀長松翠微泛罇綠苔蘚分煙紅造化處術內相
對數壺空醉眠嶺上草不覺夜露濃一夢到天曉始
覺一醉中皎然夢中路直到瀛洲東初平把我臂相
與騎白龍三留對上帝玉樓十二重上帝賜我酒送
我敲金鍾寶閣香歛華琪樹寒玲瓏動茶如笙篳音
律相怡融珍重此一醉百骸出天地長如此夢竟永
謝名與利

為唐末江南詩人與周朴齊名如到處即閑處逢君

方履眉最有詩稱

為作詩人主客圖序曰若主人門下處其客者以法
度一則也以白居易為廣大教化主上入室楊乘入
室張祐羊士諤元稹升堂盧仝顧况沈亞之及門費
冠卿皇甫松殷堯藩施肩吾周元範况元膺徐凝朱
可名陳標童翰卿以孟雲卿為高古奧逸主上入室
韋應物入室李賀杜牧李餘劉猛李涉胡幽正升堂
李觀賈馳李宣古曾鞏劉駕孟遲及門陳潤韋楚老
以李益為清奇推正主上入室蘇軾郁入室劉敞僧清
塞廬休于鵠楊洵美張籍楊巨源楊敬之僧無可姚

合升堂方干馬戴任蕃賈島厲元項斯薛壽及門僧
良又潘誠于武陵詹雄衛準僧志定喻島朱慶餘以
孟郊爲清竒僻苦主上入室陳陶周朴及門劉得仁
李溟以鮑溶爲博容宏拔主上入室李群玉入室司
馬退之張爲以武元衡爲瓌竒美麗主上入室劉禹
錫入室趙嘏長孫佐輔曹庚升堂盧頴陳羽許渾張
蕭遠及門張陵章孝標雍陶周祚袁不釣

杜光庭載毛仙翁事云仙翁名干字鴻漸元和間劉
禹錫李紳白樂天輩皆贈詩至大中戊寅五十餘年
矣是歲張爲薄遊長沙不汲汲隨計獲女奴於岳麓

下惑之歲餘成羸疾仙翁一見曰子妖氣邪光浹遍
肌骨苟不相值殞於旦夕也以一粒授爲於香炉焚
之郁烈之氣聞百步魅妾一號而斃乃木偶人也又
吞以丹砂如黍者三疾遂瘳爲作詩別之曰羸形感
神藥削骨生豐肌蘭炷飄靈煙妖怪立誅夷重覩日
月光何報父母慈黃河濁袞袞別淚流漸黃河清
有時別淚無收期爲後入釣臺山訪道而去

韓偓

偓父瞻開成六年李義山同年也義山有餞韓同年
西迎家室戲贈云籍籍征西万户侯新緣貴婿起珠

樓一名我漫居先甲千騎君翻在上頭雲路招邀回
綵鳳天河迢迢笑牽牛南朝禁鬻無人寄瘦冰瓊枝
為四愁偓小字冬郎義山云嘗即席為詩相送一座
盡驚句有老成之風因有詩云十歲裁詩走馬成冷
灰殘燭動離情桐花万里丹山路鷓鴣清於老鳳聲
偓字致堯今日致光誤矣自號玉山樵人

苑中云上苑離宮處處迷相風高與露盤齊金階鑄
出後猊立玉柱雕成翡翠啼外使調鷹初得按五坊
使以鷹集初調習始能禽獲之得案中官過馬不教嘶上乘馬必中官駿以進謂之過
馬笙歌錦綉雲霄裏獨許詞臣醉似泥

六月十七日召對詩云清暑簾開散異香恩深咫尺
對龍章花應洞裏尋常發日向壺中特地長生長忽
疑槎犯斗歸來兼恐海生桑如今冷笑東方朔雅用
詼諧侍漢皇

與吳子華侍郎同年玉堂伴直懷昔叙懇因成長句
兼呈同年云往年鴛鴦谷接清塵今日鰲山作侍臣二
紀許諧勞筆硯一朝宣入掌絲綸子與子華俱因名場聲名
烜赫文章士金紫雍容富貴身絳帳恩深無路報語
餘相聚却酸辛

錫宴日詩云玉銜花馬踏天街詔遣追歡綺席開中

使押從天上去外人知自日邊來

是日在外四考排門齊人司進狀碎

北宴中使臣心淨比荷連水聖澤深於漱灑杯才有

二人押出異恩頒稷高已將優禮及鄒枚清商迥向黎園降妖

妓新行峽雨迴不散通霄離禁直晚來殘醉入銀盃

醉着云万里清江万里天一村桑柘一村壺漁翁醉

着無人喚過午醒來雪滿缸

即日云書墻暗記移花日洗瓮先知醞酒期須信閑

人有忙事早來衝雨覓漁師

春恨云殘夢依依酒力餘城頭批頰伴啼鳥平明乍

捲西樓暮院靜初聞放轆轤

并州云戍旗青草杜榆關雨裏并州四月寒誰會憑

欄潛忍淚不勝天際似江干

僊天復初入翰林其年冬駕幸鳳翔僊有扈從之功

返正初上面許僊為相奏云陛下運契中興當復用

重德鎮風俗臣座右右僕射趙崇可充是選乞廻臣

之命授崇天下幸甚上喜歎翌日制用崇暨兵部侍

郎王贊為相時梁太祖在京素聞崇之輕佻贊復有

豐馳入請見於上前且言二公長短上曰趙崇是僊

薦時僊在側梁王叱之僊奏曰臣不敢與大臣爭上

曰韓僊出尋謫官入閩故窻外日光飛野馬案前筠

管長蒲盧謀身拙為安蛇足報國危曾捋虎鬚蒲世
可能無默識未知誰擬試齊等

香奩集和魯公之詞也惟其艷麗故貴後嫁其名於
惺疑平生著述分為編論遊藝孝悌疑獄香奩羸金
六集自為遊藝集序云予有香奩羸金集不行於世
疑在政府避議論諱其名又欲後人知故遊藝集序
實之此疑之意也沈存中云

曹松

天復初杜德祥主文放鬆及王希羽劉象柯崇鄭希
顏等及第年皆七十餘時号五老榜時內難新平首

求孤貧人德祥以松等塞詔各授校書郎制曰念尔
登科之際當予反正之年宜降異恩各膺寵命

松字夢徵舒州人也學賈司倉為詩此外無他能時
號松啓事為送羊脚狀

松別湖州上主人云門繫釣舟雲滿岸借君幽致坐
移旬湖村夜叫白蕪鴈菱市曉暄深浦人遠水日邊
重作雪寒林燒後別生春不辭更後醒還醉太一東
峯歸夢頻

李肇國史補云曲江大會此為下第舉人迹來漸侈
靡皆為上列所占向之下第舉人不復預矣所以逼

大會則先牒教坊請奏上御紫雲樓簾觀焉時或擬
作樂則為之移日故曹松詩云追遊若遇三清樂行
從應妨一日春勅下後人置皮袋例以圖章酒器錢
絹實其中逢花即飲故張籍詩云無人不借花園宿
到處皆携酒器行其皮袋狀元錄事同點檢闕一則
罰金曲江之宴行市羅列安僅為之半空公卿家率
以是日揀選東牀車馬閭塞莫可殫述

松及第勅下宴中獻坐主杜侍郎詩云得召丘墻淚
却頻若無公道也無因門前送勅朱衣吏席上銜盃
碧落人半夜笙歌教泣月平明桃杏放燒春南山雖
有歸溪路爭那酬恩未殺身

春日長安書事云浩浩看花晨六街楊遠塵塵中一
丈日誰是晏眠人御柳舞着水野鶯啼破徒云還
楚客猶自惜離情

晨起云曉色教不睡卷簾清氣中林殘數枝月髮冷
一梳風並鳥聞鍾語欹荷隔霧空竟徒營白日道路
本無窮

弔北印云山下望山上夕陽明又嫌無人醫白髮水
地着新培歲代殊相遠賢愚旋不分東歸聊一弔亂
木倚寒雲

松有詩云憑君莫話封侯事一將功成萬骨枯可謂
諳世故矣

杜荀鶴

荀鶴有詩名號九華山人大順初擢第授翰林學士
主客外郎知制誥序其文為唐風集或曰荀鶴牧之
微子也牧之會昌末自齊安移守秋浦時年四十四
齊謂使君四十四兩佩左銅魚者也時妾有姪出嫁
長林鄉正杜筠而生荀鶴擢第年四十六矣
溪興云山雨溪風卷釣絲瓦甌蓬底獨斟時醉來睡
着無人喚流下前溪也不知

春宮怨云早被嬋娟誤欲粧臨鏡慵承恩不在貌教
妾若為容風暖鳥聲碎日高花影重年年越溪女相
憶採芙蓉

荀鶴曾得詩一聯云舊衣灰絮絮新酒竹蕩蕩韋莊
曰我道印將金鎖鎖簾用玉鈎鈎即京兆太拜之祥也
贈僧云利門名路兩何憑百歲風前短焰燈只恐為
僧心不了為僧心了摠輸僧

時世行云夫因兵死守蓬茅麻紵裙衫鬢髮焦桑柘
廢來猶納稅田園荒盡尚徵苗時挑野菜和根煮旋
斫生柴帶葉燒任是深山更深處也應無計避征徭

又云八十老翁住破村村中牢落不堪論因供寨木
無桑柘為點鄉兵絕子孫還似平寧徵賦稅未曾州
縣畧安存至今鷄犬皆星散日落西山哭倚門

荀鶴擢第時危勢屢復還舊山田頔在宣州甚重之
頔起兵陰令以牋問至梁太祖許頗厚遇及頔遇禍
梁祖表授翰林學士主客員外郎中知制誥恃勢侮
易搢紳衆怒欲殺之而未及天祐初卒

顧雲序其詩曰大順初皇帝命小宗伯河東裴公掌
邦貢次二年遠者來隱者出異人雋士大集都下於
群進士中得九華山人杜荀鶴拔居上第諸生謝恩

日列座既定公揖生謂曰聖上教未張田得如

高宗朝射洪拾遺陳公名紀文作詩出沒二雅馳驟

建安削苦澁僻碎略淫靡淺切破豔冶之堅陣擒雕

巧之首帥皆摧撞折角崩潰解散掃蕩詞場豁清文

稜然後有戴容州劉隋州王江寧率其徒揚鞭按轡

相與呵樂來朝於正道矣以生詩有陳體可以潤國

風廣王澤故擢以塞詔竟勉為中興詩宗生謝而退

明年寧親江表以僕故山偕隱者出詩三百篇見簡

其雅麗疑越之句能使貪吏廉邪臣正父慈子孝兄

友弟悌人倫之紀備矣其壯語大言則決起逸發可

以左攬工部袂右拍翰林肩吞賈喻八九於曾中曾
不蠶介情動於中則極思冥搜神遊希夷形瓦枯木
五聲勞於呼吸万象會於扶別信詩之雄傑者也美
哉裴公知人之為不誣矣於賦旌別淑慝史臣之職
僕幸得為之叙錄視其人齒尚壯才力未及謳吟之
興方酣俟其繼作得如周頌者日之為唐風集荀鶴
初謁梁王朱全忠雨作而天無行雲梁曰此謂天泣
知何祥請先作無雲雨詩乃賦曰同是乾坤事不同
雨絲飛洒日輪中若教陰 都相似爭羨梁王造化
正梁悅之

孫榮

題妓王福娘墻詩云移壁迴牕廢幾朝指鑲偷解博
蘭椒無端闢草輸隣女更被捨將王步搖鄭谷寄臺
院孫端公祭詩云才拙道仍孤無何捨釣徒班雖沾
玉笋香不近金炉雨露瞻雙闕金波隔五湖唯君應
是念曾共伏青蒲贈同榮贈妓人云綵翠仙衣紅玉
膚輕盈年在破瓜初霞盃醉喚劉郎賭雲影慵邀阿
母梳不怕寒侵綠帶寶母憂風舉倩持裾謾圖西子
為粧樣西子元來未得如

題北里妓人壁云寒繡衣裳餉阿嬌新圖香獸不禁

燒東隣起樣裙腰闊剩感黃金一兩條

王鐸

鐸字昭範重德名家位望崇顯率由文雅非定亂才
鎮渚宮為都統以禦巢寇洎荊州失守復把潼關黃
巢差人傳語云令公儒生非我敵請自退避無汚鋒
刃於是棄關於隨僖宗播遷於蜀再授都統收復京
師大勲不成竟落都統後有詩其要云黜詔已聞來
闕下檄書猶未遍軍前亦志其中也
罷都統守鎮滑州作云用軍何事敢迂延恩重才輕
分使然黜詔已聞來闕下檄書猶未遍軍前腰間

解蘇秦印波上虛迎范蠡船正會星辰扶北極却驅
戈甲鎮南燕三塵上相逢明主九合諸侯媿昔賢看
却中興扶大業殺身無路好歸田

鐸為侍御史于興宗守綿州登越王樓以詩寄朝士
鐸和云謝眺題詩處危樓壓郡城雨餘江水碧雲斷
雪山明錦綉來仙境風光入帝京恨無青玉案何以
報高情

鐸謁梓潼張惡子廟詩曰盛唐聖主解青萍欲振新
封濟順名夜雨龍拋三尺匣青雲鳳入九重城時值
蜀人情術士皆還京幸劍明喜氣隨雷動玉壘韶光待賊平

惟報關東諸將相柱天功業賴陰兵

判度支蕭遇和云青骨祀吳誰讓德紫華居越亦知

名未聞一劍傳唐主長擁千山護蜀城斬馬威稜應

掃蕩截蛟鋒乃侯昇平鄭侯為國親簫鼓堂上神籌

更布兵時僖宗解劍贈神故二公賦詩

鄭繁

古今詩話曰相國繁善詩有題老僧詩云日照四山

雪老僧門未開凍瓶粘柱礎宿火煖灰童子病歸

去鹿麕寒入來常云此詩屬對可以衡秤言輕重不

偏也或曰相因近為新詩否對曰詩思在灞橋風雪

中驢子上此處何以得之蓋言平生苦志也

繁字蘊武大順後王政微繁每以詩謠託諷中人有

誦之天子前者昭宗意其所蘊未盡因有司上班簿

遂書其側曰可禮部侍郎同中書門下平章事繁本

善詩其語多俳諧故使落調世號鄭五歇後體至是

省史走其家上謁繁笑曰諸君誤矣人皆不識字宰

相亦不及我俄聞制下歎曰歇後鄭五作宰相事可

知矣立朝無復故態纔三月去位

繁刺盧江將去別郡人云維有兩行公解淚一時灑

向渡頭風其滑稽類此

胡玠

玠不知何許人嘗隱廬山苦心於五七言桑落洲一篇云莫問桑田事但看桑落洲數家新佳處昔日大江流古岸崩欲盡平沙長未休相應百年後人世更悠悠

又月詩云輪中別有物

改云桂根寧有七

光外更無空玠與

李騰簾問江西弓旌不至

楊牧

字藏之吳人呼為神童兄發戲令詠蛙即曰免邊分玉樹龍底耀同儀會當同鼓吹不復問官私

又令詠筆仍賦鑽字即曰雖匪囊中物何堅不可鑽

一朝操政事定使冠三端

吳人造門請詩觀者厭賤其墻牧嘲曰爾幸無羸角何用觸吾藩若是升堂者還應自得門

平曾

曾謁華州李固言不遇因吟一絕而去曰老夫三日門前立珠箔銀屏晝不開詩卷却拋書袋裏正如閑看華山來

曾恃才傲物竟歿於縣曹薛平僕射出鎮浙西主禮稍薄曾留詩以諷之曰梯山航海幾崎嶇來謁金陵

薛大夫毛髮堅時趨劔戟衣冠儼處拜冰壺誠知兩
軸非珠玉深愧三縑郵旅途明日過江風景好不堪
回首望勾吳薛聞曾出境遣使道還歷留數日之獻
紫白馬詩曰白馬披緜練一團今朝被緜欲行難雲
中放去空留跡月下牽來只見鞍聞北臺驛天外遠
臨風斜攬身邊寒自知毛骨遠應真養請係楊子細
看河東公自若不留絆行軒即得觀其毛骨遂以殊
禮相待

唐以府元被絀者九人曾其一也曾長慶二年同賈
閔仙葦貶謂之舉場十應曾後謂曰本朝曾中地
士曾輕忽無所畏遂獻雪山賦李覽命推出不旬日
再獻鯨魚賦曰此魚觸物而怒翻身上波為烏鳶所
獲奈魴鯉之何李覽之遂不至深罪

繆島雲

島雲少從浮圖其詩尤尚竒險至如
四五片霞生絕壁兩三行鴈過疎松又搥芥子降顛
拂拂折楊枝灑醉惺惺
廬山瀑布曰白鳥遠行樹玉虹孤飲潭皆負出前輩
開成中常遊豫章武宗朝淮勅反初名甚喧然

唐詩紀事卷第六十五

唐詩紀事卷第六十六

馮涓

盧嗣立

李質

姚巖傑

王璘

嚴郭

陳標

崔安潛

盧發

錢珣

盧駢

嚴暉

王渙

張署

翁綬

戴司顏

孫定

趙牧

盧注

鄭愚

王鐔

陳淑

馮涓

涓初除京兆府參軍恩地杜相審權有江西之拜制未出召涓密語延辟之命戒勿涓漏其言於友

唐紀卷之六十六
人鄭寬寬尋捧刺詣賀杜遂鄙涓淺薄不預初選及
廉車發日前候別於長樂杜長揖曰勉旃後分符眉州
不得之任在西川重圍中踟躕於陳田之間羈愁六
年徒步糊口著懷秦賦有南冠龍吟等集皆傷蹭蹬
也集有蜀馱引其要云昂藏大步蚕叢國曲頸微伸
高九尺卓女窺窓莫我知嚴仙據按何曾識又題支
機石云不隨俗物皆成土只待良時却補天惜已知
之不遇也

涓字信之信都人大中初舉進士登宏詞科時危隱
商山十年昭宗以為眉州刺史陳田拒命涓棄去
成都墨池灌園自給王建以為翰林學士雖詎諧微
物而多有補益卒於蜀

盧嗣立

望九華山云九華深翠落軒楹迥眺澄江氣象明不
遇陰霾孤岫隱正當寒日衆峯呈坐觀風雪銷煩思
惜別煙嵐駐曉行得路歸山期早訣夜來潛已告精
嗣立登會昌進士第

李質

質字公幹襄陽人應舉無成有親在衡湘往謁焉泝
流至益城豫章逐帥捨舟由武寧而反會草寇殺其

宰蒼惶前去得日觀宿東房有酒數缸其美遂携一
壺上樓酌之因吟曰曾入桃溪路仙原信少雙洞霞
颺素練薜壁畫陰窳古木秋撐月危峯欲墮江自吟
空向寂誰共倒秋缸吟畢如有人言曰士主尚書寓
宿在此

質登第後二十年廉察豫章時大中十二年也出科
名分定錄

姚巖傑

巖傑汝國公元崇裔孫嘗以詩酒放遊江左乾符中
顏標典藩鞠場亭宇初創巖傑紀其事文成

標欲刊去一二字巖傑大怒標遂什其碑巖傑以一
篇紀之曰爲報顏公識我麼我心唯只與天和眼前
俗物關情少醉後青山入意多田子莫嫌彈鋏恨甯
生休唱飯牛歌聖朝若爲蒼生計也合公車到薜蘿
盧肇收歛州巖傑在婺源先以著述寄肇肇已知其
人辭以兵火之後郡中凋弊無以迎逢大賢嵩傑復
以長牋激之肇不得已輟所乘馬迎至郡齋館穀如
公卿禮旣而日肆微覲肇嘗以篇詠吒於巖傑曰明
月照巴山巖傑笑曰明月照天下奈何獨巴山耶子
發漸不得意無何會於江亭時蒯希逸在席肇改令

唐紀卷之六
三
曰目前取一聯象令主曰遠望漁舟不濶尺八巖傑遽飲
酒一器凭欄嘔噓須臾即席還今日凭欄一吐已覺空喉
有集二十卷目曰象溪子中和末豫章大亂巖傑病死

王璘

長沙日試萬言王璘詞學富贍崔詹事廉問表薦於
朝先試之使解璘請十書吏皆給筆札璘口授十吏
筆不停綴首題黃河賦三千字復為烏散余花落詩
二十首援筆而就時忽風雨暴至數幅為回颺所卷
泥滓沾漬璘曰勿取但將紙來復縱筆一揮斯須復
十餘篇矣時未亭午已七千余言時路品方當鈞軸

遣一介召之璘曰請俟見帝品大怒亟命奏廢萬言
科璘杖策而歸放曠盃酒間雖屠沽無間然矣璘與
李羣玉相遇獄麓寺羣玉曰公何許人璘曰日試萬
言王璘羣玉待之甚淺曰請與公聯句可乎璘曰唯
子之命羣玉破題而授之不記其詞璘略不佇思繼之曰
芍藥花開菩薩面櫻間葉散野人頭羣玉遂屈崔詹
事遺璘夾纈數匹璘翌日以作中單襜褕衣之

嚴郭

賦百舌鳥云此禽輕巧少同倫我聽長疑舌滿身星
未沒何先報曉柳猶粘雪便迎春頻嫌海燕巢難定

却訝林鶯語不真莫倚青風便多事玉樓還有晏眠人

陳標

標贈元和十三年登第進士曰春官南院粉牆東地
色初分月色紅文字一千重馬擁喜歡三十二人同
眼看魚變辭九水心逐鷲飛出瑞風莫恠雲泥從此
別認曾惆悵去年中

標詠蜀葵花云能共牡丹爭幾許得人嫌處是花多
韋絢曰鶴與鷓鴣皆胎化而人以鶴為仙禽蓋鷓鴣難
見鷓鴣易見貴耳而賤目也遂誦標蜀葵花詩以况之
啄木謠云下丁向晚急還稀啄徧庭槐未肯歸終日

與君除害苦莫嫌無事不平飛寄友人云杜甫在時
貪入蜀孟郊生處却歸秦如今始會麻姑意借問山
川與後人右張為取二詩作主客圖

標終侍御史長慶二年進士也

崔安潛

何澤韶陽曲江人也父鼎容管經略有文稱澤乾寧
中隨計至三峯行在求樂崔公安潛即澤之同年文
人也聞澤來乃以一絕報之曰四十九年前及第同
年唯有老夫存今日殷勤訪吾子穩將鬢鬢上龍門
時主文與奪未分又會相庭有所阻時崔相公胤特
權即求舉猶子也

唐紀卷之六十一
因之敗於垂成後漂泊關外梁太祖受禪澤假廣南
幕職入貢勅賜及第

世謂崔魏公鉉好食新餼頭杜幽公悰每早食饋飯
乾脯崔侍中安潛看鬪牛李衛公曰吾喜見未聞新
書策安潛字進之累為西川平盧等節度拜侍中自
中令鎮荆南

盧發

杜蘊廉問長沙發為從事往致聘焉發酒酣傲睨公
公因改著詞令曰十姓胡中第六胡也曾金闕掌洪
爐少年從事誇門地莫向樽前喜氣麤盧發曰十姓

胡中第六胡文章官職勝崔盧暫來關外分憂寄不
稱賓筵喜氣麤公極歡而罷

錢珣

字端文吏部尚書徽之子善文辞宰相王禕薦知制
誥進中書舍人擢得罪珣貶撫州司馬

珣客舍寓懷云灑灑灘聲晚霞時客亭風袖半披垂
野雲行止誰相待明月襟懷祗自知無伴偶吟溪上
路有花偷笑臘前枝牽情景物潛惆悵忽似傷春遠
別離

春恨三首云負罪將軍在北朝秦淮芳草綠迢迢高

臺愛妾魂銷盡始得丘遲為一招

久戍臨洮報未歸篋香銷盡別時衣身輕願比蘭堦

葉萬里還尋塞草飛

永巷頻聞小苑遊舊恩如淚亦難收君前願報新顏

色團扇須防白露秋

蜀國偶題云忽憶明皇西幸時時時傷潛恨竟誰知佩

蘭應語宮臣道莫向金盤進荔枝

送王郎中云惜別遠相送却成惆悵多獨歸迴首處

爭那暮山何

未展芭蕉云冷燭無煙綠臘乾芳心猶卷怯春寒一

緘書劉藏何事會被東風暗折看

盧駢

盧駢負外一日休于青龍僧舍詞氣悽慘暮歸促命

筆題南楮曰壽天雖云命榮枯亦太偏不知雷氏劍

何處更衝天題畢草草而去涉旬卒駢咸通進士也

嚴惲

皮日休傷嚴子重序云余為童在鄉校時簡上抄杜

舍人救之集見有與進士嚴惲詩後至吳一日有客

曰嚴某余忘其名久矣遽懷文見造於是樂甚觀其

所為文工於七字往往有清便柔媚時可軼駁於常

軌其佳者曰春光冉冉歸何處更向花前把一杯盡
日問花花不語為誰零落為誰開余羨之誠而未嘗
怠生舉進士亦十餘計借余方寬之謂終有得於時
也未幾歸吳興後兩月咸通十年也嘗人至云生以疾亡
於所居矣噫生徒以詞聞於士大夫竟不名而逝豈
止此而堙沒耶江湖間多羨林士君子苟樂退而有
文者死無不為時惜可勝言耶於是哭而為詩魯望
生之友也嘗為我作詩云十哭都門榜上塵蓋棺終
是五湖人生前有敵唯丹桂沒後無家祇白蘋箬下
新新醒處月江南依舊詠來春知君精爽應無盡

在鄂都頌帝晨

頂梁成鄂都官頌
曰紂絕慄而晨

陸魯望云嚴子重以詩遊於名勝間黃矣余晚於江
南相遇甚樂不幸且沒襲羨作詐序而中其真
不朽矣又何戚其死哉余因息悲而為之和云每值
江南日落春十年詩酒愛逢君芙蓉湖上吟船倚翡翠
巖前醉馬分祗自汀洲連舊葉豈無章疏動遺文
猶憐未卜佳城處更斷要離冢畔雲

王渙 裴贇

大順中王渙自左史拜考工自外同年李德隣自右
史拜小戎趙光胤自補衮拜小傅王拯自小版拜小

唐詩卷之六
勳渙首唱長句感恩上裴公曰青衿七十榜三年建
禮含香次第遷珠彩下連星錯落桂花曾對月嬋娟
玉經磨琢多成器劍拔沉埋更倚天應念銜恩最深
者春來爲壽拜樽前裴公答曰謬持文柄得時賢粉
署清華次第遷昔歲策名皆健筆今朝稱職並同年
各懷器業寧推讓俱上青霄肯後先何事老夫猶賦
詠欲將酬和未留傳
渙字羣吉大順二年侍郎裴贇下登第德隣拯光胤
皆同年也

渙惆悵詩云冰蚕薄絮鴛鴦綺半夜佳期並枕眠

動紅娘喚歸去對人勻淚拾金鈿

李夫人病已經秋漢武看來不舉頭得所濃華銷歇
盡楚魂湘血一生休

謝家池館花籠月蕭寺房廊竹颭風夜半酒醒憑檻
立所思多在別離中

隋師戰艦欲亡陳國破應難保此身訣別徐郎淚如
雨鑑鴛分後屬何人

七夕瓊筵往事陳蓼花蓮蒂共傷神蜀王殿裏三更
月不見驪山私語人

夜寒春病不勝懷玉瘦花啼萬事垂薄倖檀郎斷芳

唐詩卷之六
信驚嗟猶夢合歡鞋

嗚咽離聲管吹秋妾身今日為君休齊奴不說平生
事忍看花枝謝玉樓

青絲一絡隨雲鬢金剪刀鳴不忍看持謝君王寄幽
怨可能從此住人間

陳宮興廢事難期三閣空餘綠草基狎客淪亡麗華
死他年江令獨來時

晨肇重來路已迷碧桃花謝武陵溪山自斷無尋
處流水潺湲日漸西

少卿降北子卿還朔野離觴慘別顏却到茂陵唯

勸館毛零落鬢毛班

夢裏分明入漢宮覺來燈背錦屏空紫臺月落關山
晚腸斷君恩信畫工

張曙

張曙崔昭緯中和初同舉相與詣日者問命曙時自
負才名籍甚以為將來狀元崔亦分居其下日者殊
不顧曙第曰崔曰將來万全高第曙有愠色日者曰
郎君亦及第然須待崔拜相當此時過堂既而曙果
不終場昭緯首冠曙以篇什刺之云千里江山陪驥
尾五更風水失龍麟昨夜浣花溪上雨綠楊芳草為

何人後七年昭緯為相曙方登第果於昭緯下過堂
杜荀鶴同年生也酬曙詩云天上書名天下傳引來
齊到玉皇前大仙錄後頭無雪至藥成來竈絕煙笑
躡紫雲金作闕夢拋塵世鐵為舡九華山叟驚凡骨
同到蓬萊豈偶然

翁綬

詠酒云逃暑迎春復送秋無非綠蟻滿盃浮百年莫
惜千回醉一盞能消千古愁幾為芳菲眠細草曾因
雨雪上高樓平生名利關身者不識狂歌到白頭綬
登咸通進士第

戴司顏

景福中江西節度使鍾傳遣僧從約進法華經一千
部上待之甚厚恩渥有加宣從約入內賜齋面錫紫
衣一副將行太常博士戴司顏以詩贈行略曰遠來
朝鳳闕歸去戀元侯時吳子華任中謀司顏仰公之
名志在屬和以為從約之資融覽之附掌大笑曰這
阿師更不要見便拽出得其承奉如此
司顏登大順進士第

孫定

定字志元涪州大戎之族子長於儲定數舉矣儲方

欲就貢訪於定定諺曰子儀表堂堂好將軍材何必
以科第為資儲銜之後儲貴達未嘗言定之長晚年
喪志放意極酒景福二年下第遊京西開遠門醉中
走筆寄儲詩曰行行血淚洒塵襟事逐東流渭水深
秋跨蹇驢風尚緊靜投孤店日初沉一枝猶挂東堂
夢千里空馳北巷心明月悲歌又前土蒲城煙樹噪
春禽定詩歌千餘首多委於兵火竟無成而卒

趙牧

牧不知何許人也大中咸通中數李長吉為短歌對
酒曰雲翁耕扶桑種黍養日烏手接六十花甲子循

環落落如弄珠長繩繫日未是愚有翁臨鏡得白鬚
飢魂弔骨吟古書馮唐八十無高車人生如雲在須
臾何乃自苦八尺驅裂衣換酒且為娛勸君朝飲一
瓢夜飲一壺杞天崩雷騰騰紂非舜是何足憑桐君
桂父豈勝我醉裏白龍多上昇菖蒲花開魚尾定金
丹始可延君命其餘尤尚輕巧詞多不載

唐詩自成通而下不足觀矣亂世之音怨以怒亡國
之音哀以思氣喪而語偷聲煩而調急甚者忿目褊
吻如戟手交罵大抵王化習俗上下俱喪而心聲隨
之不獨士子之罪也其來有源矣司空圖輩傷時思

古退已避禍清音冷然如世外道人所謂變而不失
正者也余故盡取晚唐之作庶知律詩末伎初若虛
文可以知治之盛衰

盧汪

汪門族甲天下因宦家于荆南舉進士二十上不第
嘗賦詩曰惆悵與亡繫綺羅世人猶自選青娥越王
解破夫差國一箇西施也太多晚年失意賦酒胡子
一篇云同心相遇思同歡擊出酒胡當玉盤盤中餽
飢不自定四座清賓注意看可亦不在心否亦不在
面徇客隨時自圓轉酒胡五藏屬他人十分亦是無

情勸尔不耕亦不飢尔不蚕亦有衣有眼不能分黼
黻有口不能明是非鼻何尖眼何碧儀形本非天地
力彫鑿匠意若多端翠帽朱衫巧粧飾長安斗酒十
千酤劉伶平生為酒徒劉伶虛向酒中死不得酒池
中拍浮酒胡一滴不入眼空令酒胡名酒胡

鄭愚

咸通中愚自禮部侍郎除鎮南海時崔魏公在京南
愚着錦襖子半臂袖卷謁文公大奇之會夜飲更衣
賓從間竊謂公曰此應是慚其不稱既而復易紅錦
尤加煥麗眾莫能測愚為進士時未嘗以文章及魏

公門至是乃贄所業崔歎賞曰直銷得錦半臂矣
愚作大瀉虛祐師銘云湖之南湘之西山大瀉深無
蹊虎已嘯猿又啼雨撼撼風接接高入雲不可梯雖
欲去誰與摧彼上人忘其身一宴坐千余旬去無跡
來無親夷積阻架嶙峋棟宇成供養陳我不知徒自
勤物之生孰無情識好惡知寵驚真物藏百慮呈隨
婉轉任崢嶸雲糊天月不明金在鑛火收螢我不知
天地先無首尾功用全六度備万行圓常自隨在畔
邊要即用長目前非艱難不幽玄哀世徒苦馳驅覓
作佛何其愚筭海沙登迷廬眠喘喘心區區見得失

繫榮枯棄知覺求形模近似遠易復難但無事心即
安少思慮簡悲歡淨蕩蕩圓圓更無物不勞者聽
他語被人謾生必死理之常榮必悴非改張造衆罪
欺心王作少福須天堂善惡報正身當自結裹無人
將心作惡口脫空欺木石嚇盲龍犍阿房鬼五通專
覷捕見西東禁定住陽朦朧與作爲事不同最上乘
有想基無結淨本無為人不見自心知動便是莫狐
疑直下說沒文詞識此意見吾師愚廣州人唐末為霜

王錄

王錄富有詞學數舉未捷門生盧肇等公薦於春官

唐紀卷六十六
十四
云同盟不詞賢者受譏相子負薪優臣致詣乃旌鐐
嘉司日擊石易得火扣人難得心今日朱門者曾恨
失直深聲藹然果擢上第鐐登咸通進士第宰相王
搆弟炎生二子鐐鐐相僖宗鐐累官至汝州刺
史王仙芝陷郡城鐐貶韶州司馬終太子賓客

陳琰

鴻之子也咸通中佐廉使郭常侍銓于徐性耿介有
所不合挈家居茅山平居焚香習禪妻子罕面寄居
蘭若自述檀經三卷臨行留一章與其僧云行若獨
輪車常畏大道覆止若圓底器常恐他物觸行止既

如此安得不離俗乾符中第璉佐薛能幕於徐琰自
丹陽掉小舟與相見能重其人延入城不可曰某已
有誓不入公門矣薛移舟赴之話道求日不宿而去

唐詩紀事卷第六十六

唐詩紀事卷第六十七

李嶸

袁皓

歐陽澥

徐振

李濤

王貞白

王祝

劉谷

李昌鄴

王滌

王碩

陸貞洞

李縞

高衢

張綺

韋冰

薛昭緯

鄭谷敬

許晝

程賀

裴鉞

張孜

顧雲

李昭象

李嶸

李蔚鎮江淮有李嶸者獻詩云鷄樹煙含瑞氣凝鳳池波待玉山澄國人文倚東關望擬築沙堤到廣陵

後果入相

袁皓

皓書師曠廟文云吟篁怨桐天其聲乎鏘石鏗金天
其文乎擊革鳴絲天其暢乎匏土之韻天其和乎天
有至音寄斯八物先生不生斯音鬱鬱先生既生斯
音在律嗚呼先生之耳時可求也先生之心不可得
也大哉樂乎先生之無神乎愚固狂而不可據先生
之有神乎愚堅誠而乞其圖先生之耳有神乎化為
天下之耳先生之心有神乎化為天下之心古者可
以舒於今然後家家知舜琴

羅隱贈袁侍御詩云風塵慚上品才業愧明時千里
芙蓉幕何由話所思

皓宜春人咸通進士龍紀集賢殿圖書使自稱碧池
處士

僖宗狩蜀皓時為倉部員外采李晟功烈為興元聖
功錄徧賜諸將表勵之

皓初登第過岳陽悅妓藥珠以詩寄嚴使君曰得意
東歸過岳陽桂枝香惹蕊珠香也知暮雨生巫峽爭
奈朝雲屬楚王萬恨只憑期剋手寸心唯繫別離腸
南亭晏罷笙歌散回首煙波路渺茫嚴君以妓贈之

皓及第後作云金榜高懸姓字真分明折得一枝春
蓬瀛乍接神仙侶江海迴思耕釣人九萬搏扶排羽
翼十年辛苦涉風塵昇平時節逢公道不覺龍門是
嶮津

歐陽解

閩川歐陽解者四門詹之孫也解娶婦經旬而辭赴
舉久不還家詩云黃菊離家十四年又云離家已是
夢松年又云落日望鄉處何人知客情自憐十八年
之帝鄉未遇知己也亦爲燕詩以獻主司鄭愚曰翻
翻雙鸞畫堂開送古迎今幾萬迴長向春秋社前後

爲誰歸去爲誰來解出入場中僅二十年善和韋中
令在閣下解即行卷及門凡十餘載未嘗二面而解
慶弔不虧韋公雖不言而心念其人中和初公隨駕
至蜀命相時解寓居漢南公以書令襄帥劉巨容俾
解計偕巨容得書大喜待以厚禮首薦之撰日遵路
無何一夕心痛而卒巨容因籍解答書呈於公公覽
之慨然因曰十年不見灼然不錯

徐振

雷塘云九重城闕悲涼盡一聚園林怨恨長花憶所
爲猶自笑草知無道更應荒詩名占得風流在酒興

催教運祚二若問皇天惆悵事只應斜日照雷塘
古意云擾擾都城曉又昏六街車馬五侯門箕山渭
水空明月可是巢由絕子孫右詩韋莊取為又元集

李濤

李濤長沙人也篇詠甚著如水聲長在耳山色不離
門又掃地樹留影拂床琴有聲又落日長安道秋槐
滿地花皆鱸炙人口温飛卿任太學博士主秋試濤
與衛丹張郃等詩賦皆勝於都堂

王貞白

貞白唐末大播詩名御溝為卷首云一派御溝水綠

槐相蔭清此波涵帝澤無處濯塵纓鳥道來雖險龍
池到自平朝宗心本切願向急流傾自謂冠絕無瑕
呈僧貫休休曰甚好只是剩一字貞白揚袂而去休
曰此公思敏書一字於掌中逡巡貞白迴忻然曰已
得一字云此中涵帝澤休將掌中字示之一同天祐
年中內試貞白扎翰狼藉帝覽拂下玉案有黃門奏
此舉人有詩名御批曰粗通放

貞白寄鄭谷曰五百首新詩緘封寄與誰祗憑夫子
鑒不要俗人知火鼠重收布水蚕乍吐絲直須天上
手裁作領巾披

僧質休送貞白重試及第東歸云心苦酬心了東歸
謝所知可憐經試者如折兩三枝兩毒逢花少山多
愛馬遲此行三可羨正值倒戈時江西昭宗皇帝頗
爲寒進開路崔合州凝典貞舉但是子弟無問文章
其間屈人不少孤寒中唯程宴黃滔擅場之外如貞
白張蠙詩題觀文古風皆錄前輩之闕闕者也
貞白字有道

王祝

會昌時有題三鄉者曰余本若耶溪東與同志者二
三紉蘭佩蕙每貪幽閑之境翫花光於松月之亭竟

晝錦霄往往志倦泊乎初筭至于五換星霜矣自後
不得已從良人西入函關寓居晉昌里第其居迥絕
囂塵花木叢翠東西隣二佛宮皆上國勝遊之寂伺
其閑寂因遊覽焉亦不辜一時之風月也不意良人
已矣邈然無依帝里芳春光景東邁涉澹水歷渭川
背終南陟太華經號略抵陝郊揖嘉祥之清流面女
几之蒼翠凡經過之所皆曩昔讌笑之地銜冤加歎
舉目魂銷雖殘骸尚存而精爽都失假使潘岳復生
無以悼其幽思也遂命筆聊題終不能條其懷抱絕
筆慟哭而東時會昌壬戌歲仲春十九日也詩曰昔

逐良人西入關良人身歿妾空還謝娘衛女不相待
為雨為雲歸舊山和者十人祝和三鄉詩云女兒山
前嵐氣低佳人留恨此中題不知雲雨歸何處空使
王孫見即迷

祝字不耀名家子唐末為給事中巢寇前典常州既
亂寄江湖甚有時望及詔召經陝時王拱為帥凶暴
以厚禮降接願君子姪之末祝堅不許拱怒罷宴命
將吏速請離館害于途悉投其家于黃河時朝廷多
故捨而不問祝一子行至襄州亦無故投井而卒

劉谷

三鄉詩云蘭蕙芬芳見玉姿路傍花笑景遲遲
山下無窮意併在三鄉惜別時

李暹送谷詩云村樓西路雪初晴雲暖沙乾馬足輕
寒澗渡頭芳草色新梅嶺外鷓鴣聲郵亭已送輕車
發山館誰將候火迎落日千峯轉迢遞知君回首望
高城又和谷除夜見寄云灞上家殊遠爐前酒易曛
劉郎亦多恨詩憶故山雲

李昌鄴

三鄉詩云紅粉蕭娘手自題分明幽怨發雲閣不應
更學文君去泣向殘花歸剡溪

王綵

三鄉詩云浣沙遊女出關東舊跡新詞一夢中槐陌
柳亭何恨事年年迴首向春風

滌字用霖及景福進士第

三鄉詩云李 王謝兩風流王子沉淪謝子愁歸思
若隨文字在路傍空為感千秋

高衢

三鄉詩云南北千山與萬山軒車誰不思鄉關獨留
芳翰悲前跡陌上恐傷堯李顏

張綺

三鄉詩云洛川依舊好風光蓮帳無因見女郎雲雨
散來音信斷此生遺恨寄三鄉

韋冰

三鄉詩云來時歡喜去時哀家國迢迢向越臺待寫
百年幽思盡故宮流水莫相催

冰唐末為鄆令

薛昭緯

華州榜昭緯寄諸門生詩曰時君過聽委平衡粉署
華燈到曉明開卷固難窺浩汗執公空欲慕公平機
雲筆舌臨文健沈宋章篇發詠清自笑觀光輝自此闕

昭緯以侍郎掌貢舉試未明求衣賦王贊圖為榜首
薛保遜大中朝尤肆輕佻侵侮諸叔自起居舍人貶
洗馬而卒昭緯其子也頗有父風嘗任祠部外郎時
李系任小儀王堯任小賓正旦立仗班退昭緯吟曰
左金烏而右玉兔天子旌旂堯遽請下句昭緯應聲
曰上李系而下王堯小人行綴天復中自臺丞累貶
磎州司馬中書舍人顏堯當制略曰陵轢諸父代嗣
其凶薛存誠之子廷老廷老之子保遜保遜之子昭
緯為乾寧禮部侍郎性輕率坐事貶磎州刺史

鄭合敬

合敬及第後宿平康里詩曰春來無處不開行楚閨
相看別有情好是五更殘酒醒時時聞喚狀頭聲楚閨
也合敬乾符三年登上第終諫議大夫

許畫

許畫者睢陽人天復四年大駕東幸駐蹕甘棠畫於
此及第梁太祖長子大卿者常與畫屬和畫以卿為
奧主隨駕至洛陽同年醉梁祖私第因折其牡丹主
吏馳報梁祖大卿竊知之先遣行畫行遂亡命河北
閩人黃遇嘗宰滑州衛南與畫聲跡不踈光化三年

求選京師遇謗書嘗咎背矣書下急時內翰吳融侍郎西銓獨孤損侍郎皆晝知已一日晝造二君子自辨因袒而視之二公掩袂而入晝遇其年俱落晝中秋月云應是蟾宮別有情每逢秋半倍澄清清光不向此中見白髮爭教何處生閑地占將真可惜幽窓分得始為明殷勤好長來年桂莫遣平人道不平

程賀

賀有君山詩時號程君山詩云曾遊方外見麻姑說道君山自古無云是崑崙山頂石海風飄落洞庭湖

崔亞典眉州賀為廳僕崔見其風味不常問曰不讀書乎曰薄涉藝文崔指一物令詠之雅有意旨因令歸選獎稱於諸公間凡二十五舉及第時中和二年也入京則館博陵之第亞卒賀服縗三年

裴劔

乾符五年劔以御史大夫為成都節度副使題石室詩曰文翁石室有儀形庠序千秋播德馨古栢尚留今日翠高岷猶謁舊時青人心未肯拋羶蟻弟子依前學聚螢更歎池江無限水爭流祗願到滄溟時高駢為使時亂矣故劔詩有願到滄溟之句有微

旨也劔作傳奇行於世

張孜

懿僖之代有京兆張孜者耽酒如狂與李山甫善有
雪詩云長安大雪天馬雀難相覓其中豪貴家搗椒
泥四壁到處蕪紅爐周廻下羅幕暖手調金絲蘸甲
斟瓊液醉唱玉塵飛困融香汗滴豈知飢寒人脚手
生皴劈

僖宗在蜀孜有傷時之作其間云着牙賣朱紫斷錢
賒舉選帝還京相府遣人捕之孜易姓越淮而遜
世傳孜夢李白歌有華山秀作英雄骨黃河瀉出縱

橫才又云夢破青霄春煙霞無去塵若誇郭璞五色
筆江淹却是尋常人

顧雲

雲字垂象池州饒賈之子也風韻詳整與杜荀鶴殷
文圭友善同隸業九華咸通中登第為高駢淮南從
事師度之亂退居雲川杜門著書宰相杜某奏雲與
盧知猷陸希聲錢翊馮渥司空圖等分修宣懿德三
朝實錄皆一時之選也書成加虞部外郎乾寧初卒
有文號鳳策聯華編藁昭亭雜筆

雲在淮南李昭象以學仙詞寄之云記得初傳九轉

方碧雲峯下祝虛皇丹砂未熟心徒切白日難留鬢
欲蒼無路洞天尋穆滿有時人世羨劉郎仙人恩重
何由報焚盡星壇午夜香蓋招隱之義也

雲大順中制同羊昭業等十人修史雲至江淮遇高
逢休諫議時劉子長為僕射其弟崇望復在中書雲
叩逢休希致先容逢休許之久矣雲臨岐請書授之
一函甚草創雲微有感潜啓閱之凡一幅並不言雲
但曰羊昭業等擬將一尺三寸汗脚踏他燒殘龍尾
道懿宗皇帝雖薄德不任被前件人羅織執太政者
亦太悠悠雲歎而已

雲詠柳云閑花野草摠爭新眉紋絃乾獨不勻乞與
東風殘氣力莫教虛度一年春

雲為虞部郎中高駢淮南從事駢章疏不恭皆雲之
辭也雲著述目為鳳策聯華雲初下第郵谷有詩勉
之云鳳策聯華是國華春來偶為上山槎鄉連南渡
思蒸米淚滴東風避店花吟晷暮鴛鴦歸廟院睡消遲
日寄僧家一般情緒應相信門靜蒹葭深樹影斜

李昭象

字化文池州刺史方玄之子父卒因家焉懿宗末年
以文干相國路公品問其年曰十有七矣崇年尚少

尤器重之薦於朝將召試會品貶遂還秋浦移居九
華與張喬顧雲輩為方外友龍紀中楊行密奔宣州
以書招之不從題顧正字谿居云高敞吟軒近釣灣
塵中來似出人間若教明月休生桂應得危時共掩
關春酒夜茶難放客短籬疎竹不遮山莫誇恬淡勝
榮祿鴈引行高未許閑寄獻山中顧公負外云抽却
朝簪著釣蓑近來聲迹轉巍峩祥麟避網雖山野丹
鳳銜書即薜蘿乍隱文章情更逸久閑經濟術翻多
深慙未副吹噓力竟困風埃爭奈何

山中寄崔諫議云平生猿鳥共山居吟月吟風兩躡
踈新句未嘗忘教化上才爭忍不吹噓全家欲去干
戈後大國中興禮樂初從此升騰休說命祇希公道
數封書

喜杜荀鶴及第云深崑貧復病勝到見君名貧病渾
如失山川頓覺清一春新酒興四海舊詩聲日使能
吟者西來步步輕

赴舉出山留寄山居鄭參軍云還如費冠卿向此振
高名肯羨魚鱗表長誇鸛鷺輕理琴寒指倦試藥黑
鬚生時泰難虛計隨看急詔行

唐詩紀事卷第六十七

唐詩紀事卷第六十八

湯文圭

唐彥謙

裴澈

盧携

韋莊

吳融

公乘億

羅鄴

羅衮

湯文圭

本殷文圭

文圭池州人居九華小字桂郎苦學所用墨池底為之穴舉進士中途遇一叟曰眉綠奉文入口神仙狀也如學道當冲虛為儒當大有名於天下唐末詞場請託公行文圭與游恭獨步塲屋乾寧中帝幸三峯文圭携梁王表薦及第仍列榜中尋為裴樞宣諭判

唐紀卷之六
官至大梁朱全忠表薦之既而由汴宋馳歸全忠大
怒遣吏捕之不及矣自是屢言措大率皆負心每以
文圭爲證白馬之禍蓋自此也文圭事楊行密終左
千牛衛將軍子崇義自江南歸朝改姓湯名悅
九華賀雨吟云陶公焦思念生靈變旱爲豐合香冥
雷劈老松疑虎怒雨衝陰洞覺龍腥萬畦香稻蓬蒼
綠九朶奇峯撲亞青吟賀西成饒旅興散絲飛灑滿
長亭

贈池州張太守云神珠無類玉無瑕七葉簪貂漢相
家陣面奔星破犀象筆頭飛電躍龍蛇絳幃夜坐窮
三史紅旆春行到九華只怕他人留不住別遷征鎮
擁高牙

和友人送衡尚書赴池陽副車云淮王上將例分憂
玉帳參承半列侯次第選材如創厦別離排宴向藏
舟鷗鵬變化知難測龍蠖昇沉各有由躡蹠行牽金
鉸重嬋娟立唱翠娥秋築頭勲業諧三陣蒲腹詩書
究九流金海珠韜乘月讀肉芝牙名撥雲收赤鱗旆
卷鷗汀晚青雀船情鴈陣秋十字細波澄鏡面九華
殘雪露峯頭醉沉北海千罇酒吟上南荆百尺樓况
是昭明食魚郡不妨閑擲釣璜鈎

文圭賀池陽太守
正命云衆口聲光

唐詩卷之八
詩漢將築頭
勳業佐淮王

中秋自宛陵寄池陽太守云出山三見月如眉蝶夢
終霄堯戟枝旅客思歸鴻去日賢侯行化子來時郡
樓遐想劉琨嘯相閣方窺謝傳棊按部况聞秋稼熟
馬前迎拜羨并兒

次韻九華杜先輩重陽寄投宛陵丞相云日下飛聲
徹不毛酒醒時得廣離騷先生鬢為吟詩白上相心
因治國勞千乘信迴魚檣重九華秋迴鳳巢高強酬
小謝重陽句沙恨無金盡日淘

寄賀杜荀鶴及第二云一戰平疇五字勞晝歸鄉去錦

為袍大鵬出海翎猶濕駿馬辭天氣正豪九子舊山

增秀絕二南新格變風騷由來稽古符公道平地丹

梯甲乙高

文圭詩中鍊字
主犯切馬首飾

文圭杜荀鶴楊夔康輶夏侯淑三希羽等皆為淮南
將田頽上客文圭有美名不應朱全忠錢鏐之辟頽
置田宅迎其母以甥事之故文圭為盡力夔知頽不
足元楊行密著溺賦以戒頽不用果敗文圭受薦於
全忠復擬飾非投啓於公卿略曰於菟獵食非求尺
璧之珍鷄鷄避風不望洪鍾之樂既登第即南歸俄
為多言者所發全忠捕之則不及矣

唐紀卷之六十八
或云文圭應舉嘗經大澤中驟雨震電衆駭躑獨安
詳如不聞雨定傍人見其兩耳中鬼神以泥封之後
為內翰曾草司空李德誠麻潤毫又不至為詩督之
云紫殿西頭有欲斜曾草臨淮上相麻潤筆已曾經
奏謝更將章句問張華時論少之

唐彥謙

唐儉裔孫憲宗時終中書舍人次子持持子彥謙字
茂葉歷慈絳澧三州刺史自號鹿同先生陶穀之祖
也穀避晉祖諱改姓陶後遂不易識者非之

中秋翫月云一夜高樓萬景奇碧天無際水無涯只
留皎月當層漢並送浮雲出四維霧靜不容玄豹隱
水生唯恐夏蟲疑坐來離思憂將曉爭得嫦娥子細
上巳寄韓八云上巳接寒食鶯花寥落晨微發火
雨草草踏青人凉似三秋景清無九陌塵與余同病
者對此合傷神

又云露白風清夜向晨小星乘佩且埋輪絳河浪淺
休相隔滄海波深尚作塵天外鳳凰何寂寞世間烏
鵲謾辛勤倚欄殿北斜樓上多少通宵不寐人
八月十六日夜月云斷腸佳賞固難期昨夜消魂更
不疑丹桂影空蟬有露綠槐陰在鵲無枝懶將吟味

聊惆悵早是踈頑耐別離堪恨賈生曾慟哭不緣清
景為憂時

過長陵詩云耳聞明主提三尺眼見愚民盜一杯千
古腐儒騎瘦馬灞陵斜日重回頭

又題蒲津河亭云煙橫博望乘槎水月上文王避雨
陵最善用事

詠柳云惹絆風光別有情世間誰敢闢輕盈楚王江
畔無端種餓損宮腰學不成

彥謙學義山為詩

裴澈

澈通登咸通進士第後為相初左拾遺孟昌圖在蜀
上疏極諫僖宗田令孜惡之沉諸墓願江徹以詩弔
曰一章何罪死何名投水惟君與屈平從此蜀江煙
月夜杜鵑應作兩般聲

盧携

常題司空圖壁云姓氏司空貴官班御史卑老夫如
且在不用歎屯奇

携字子升乾符中為相巢寇表求天平節度不與欲
倚高駢立功巢遂入關携仰藥死

韋莊

立春云青帝東來日馭遲暖煙輕逐曉風吹蜀袍公
子罇前覺錦帳佳人夢裏知雪浦乍開紅葉甲綵幡
新剪綠楊枝殷勤欲獻宜春曲題向花牋帖繡楣
長安清明云早是傷春夢雨天可堪芳草更芊芊內
官初賜清明火上相閑分白打錢紫陌亂嘶紅叱撥
綠楊高映畫鞦韆遊人記得承平事暗喜風光似昔
感懷詩云長年方悟少年非人道新詩勝舊詩十畝
野塘留客釣一軒春雨對僧棋花間醉任黃鸝語亭
上吟從白鷺窺大道不將爐冶去有心重築太平基
或謂此詩包括生成果爲台輔莊應舉時遇巢寇犯

闕著秦婦吟云內庫燒爲錦繡灰天街踏盡公卿骨
公卿多垂訝莊乃諱之時號秦婦吟秀才又有帝子
夢魂煙水闊謝公詩思碧雲低最爲警策至若閑卧
詩云誰知閑卧意非病亦非眠又手從彫扇落頭任
漉巾偏識者知其不祥後誦子美詩白沙翠竹江村
暮相送紫門月色新吟諷不輟是歲卒於花林坊葬
於白沙

莊字端已杜陵人見素之後曾祖少微宣宗中書舍
人莊踈曠不拘小節李詢爲兩川宣諭和協使辟爲
判官以中原多故潛欲依王建建辟爲掌書記尋召

唐紀卷之八
為起居舍人建表留之後相建為偽平章事
莊為王建管記時一縣宰乘時擾民莊為建草牒云
正當凋瘵之秋好安凋瘵勿使瘡痍之後復作瘡痍
時以為口實

莊集詩人一百五十人得詩三百章為又元集序云
此蓋詩中鼓吹名下笙篳繫鳧氏之鍾霜清日觀淬
雷公之劍影動星津雲間分合壁之光海上運摩天
之翅奪造化而雲雷噴湧役鬼神而風雨奔馳但忍
其食馬留肝徒云染指豈慮其烹魚去乙或致傷鱗

吳融

壬戌歲闕鄉卜居云六載抽毫侍禁闈不堪多病決

然歸五陵年少如相問阿對泉頭一布衣阿對是

嘗引泉灌蔬其泉至今尚在

華清宮云中原無鹿海無波鳳輦鑾旂出幸多今日

故鄉歸寂寞太平功業在山河

四郊飛雪暗雲端唯此宮中落旋乾綠樹碧簷相掩
映無人知道外邊寒

漁陽烽火照函關王輦忽忽下此山一曲羽衣聽不
盡至今遺恨水潺潺

關東獻劉貞外云昨夜星辰動仙郎近漢關玳筵吟

雪罷錦帳押春還已到青雲上應接絳圃間臨邛有
辭賦一為奏天顏

融字子華越州人昭宗時為翰林學士卒官

李巨川為華帥韓建掌書記昭宗至華清宮賜建御
容一軸時巨川草謝表以示融其中有彤雲似蓋以
長隨紫氣臨關而不度融吟味不已因草篇與巨川
對壘略曰霧開五里克諧披覩之心掌拔一峯兼助
捧持之力松江晚泊云樹遠天疑盡江奔地欲隨孤
帆落何處殘日更新留客是淒涼本情為較滯枝寸
腸無計免應只楚猿知紅樹云一聲南鴈已先紅

槭淒淒葉葉同此是孤根非暖地莫驚他木耐秋風
燒煙散去陰全薄明月臨來影半空長憶洞庭千萬
樹昭山橫浦夕陽中

公乘億

高湜咸通末為禮部侍郎士多繇權要干請湜曰吾
決以至公取之得譴固吾分乃取億許棠聶夷中皆
有文名

億字壽仙魏人與李山甫皆為魏博樂彥禎幕府
羅隱寄詩於易定云謝舞仍宮柳高竒世少雙侍中
生不到園今死須降班秩通烏府樽壘奉碧幢昭王

有餘烈試為禱迷邦

億郎官上應列宿詩云北極佇文昌南宮曉拜即紫
泥乘帝澤銀印佩天光緯結三台側鈎連四輔傍佐
商依傳說仕漢笑馮唐委佩搖秋色峩冠帶晚霜自
然符列象千古耀崑崙

秋菊有佳色云陶令籬邊菊秋來色轉佳翠攢千片
葉金剪一枝花蕊逐蜂鬚亂英隨蛛翅斜帶香颺綠
綺和酒上烏紗散漫搖霜彩嬌妍漏日華芳菲彭澤
見稱更在誰家

臨江遲來客云江上晚沉沉煙波一望深向來殊未至

何處擬相尋柳結重重眼萍翻寸寸心暮山期共眺
寒渚待同臨北去魚無信南飛鴈絕音思君不可
見使我獨愁吟

億以詞賦著名咸通十三年別家十餘年矣嘗大
病鄉人傳以死其妻自河北迎喪會億送客馬上
見婦人履縷類其妻也睇睨不已妻亦如之詰之
則是也相持而哭路人異之後旬日登第億嘗有
詩云十上十年皆落第一家一半已成塵可知其
屈矣

羅鄴

費拾遺書堂云滿袖歸來天桂香紫泥重降舊書堂
自憐青帶同巢許不駕蒲輪佐禹湯惟石盡涵千古
秀奇花多吐四時芳何人更肯追高躡唯有樵童戲
蕪牀

雲詩云紛紛靄靄遍江湖得路為霖豈合無莫使悠
颺祇如此帝鄉還更暖蒼梧

歲仗云玉帛朝天萬國來鷄人唱曉五門開春排北
極迎仙仗日捧南山入壽杯歌舜薰風鏘玉佩祝堯
嘉氣靄樓臺可憐四海車書混重見蕭曹佐漢才
牡丹云落盡春紅始見花花時比屋事豪奢買栽池

館恐無地看到子孫能幾家門倚長衢攬繡輓握籠
輕日護香霞歌鍾到此爭權賞豈信流年鬢有華
賞春云芳草和煙暖更青闌門要路一時生年年點
檢人間事唯有春風不世情

公子行云彫鞍玉勒照花明過後鄉風特地生半醉
五侯門裏出月高猶在禁街行

鄴餘杭人父則為塩鐵小吏有二子俱以文學上進
鄴尤長七言詩時宗人隱亦以律韻著稱然隱才雄
而疎鄴才清而緻咸通中崔安潛侍郎廉問江西志
在弓旌竟為幕吏所沮既而俯就督郵因茲舉事無

成而卒

羅衮

清明登奉先城樓云年來年去只艱危春半堯山草
尚衰四海清平者舊見五陵寒食小臣悲煙銷并邑
隈樓檻雪滿川原泥酒卮拭盡賈生無限淚一行歸
鴈遠參差

清明赤水寺居云榆火輕煙處處新旋從閑望到諸
隣浮生浮世祗多事野水野花娛病身濁酒不禁雲
外景碧峯猶冷寺前春蓑衣毳衲誠吾黨自結村園
一社貧

羅隱梁開平中召拜夕郎不起衮以小天倅大秋姚
公使兩浙以詩贈隱曰平日時風好涕流讒書雖盛
一名休寰區歎屈瞻天問夷貊聞詩過海求向夕便
思青瑣拜近年尋伴赤松遊何當世祖從人望早以
公台命卓侯隱荅曰崑崙水色九般流飲即神仙憇
即休敢恨守株曾失意始知綠木更難求鶴原謾欲
均餘力鸛髮那堪問舊遊遙望北辰當上國羨君歸
棹五諸侯

昭宗誅韓全誨等衮時爲左拾遺上言劉蕡當大和
時宦官始熾因直言策請奪爵土復歸除之役遂羅

譴逐死異土六十餘年正人端士切齒飲泣使蕡策
蚤用則杜漸防萌逆節可消帝感悟贈蕡左諫議大
夫

唐詩紀事卷第六十八

唐詩紀事卷第六十九

羅虬

羅隱 劉贊

陸棻

比紅兒詩并序云比紅者為雕陰官妓杜紅兒作也
美貞年少機智慧悟不與群輩妓女等余知紅者迺
擇古之美色灼然于史傳三數十輩優劣於章句間
遂題比紅詩

姓氏看侵尺五天芳菲占斷百花鮮馬嵬好笑當時
事虛賺明皇幸蜀川

金谷園中花正繁隊穰從道感深恩齊奴恰是來東
市不為紅兒更死冤

石崇生青州
故小名齊奴

陷却平陽爲小憐周師百萬戰長川更教乞與紅兒
負舉國山川不直錢小憐北齊後主馮淑妃名
一曲都緣張麗華六宮齊唱後庭花若教比並紅兒
負枉破當時國與家
樂營門外柳如陰中有佳人畫閣深芳是五陵公子
見買時應不啻千金
青絲高綰石榴裙腸斷當筵酒半醺置向漢宮圖畫
裏入朝應不啻昭君
斜凭欄杆醉態新歛眸微眇不勝春當時若遇東昏
主金葉蓮花是此人

匱匣千山與萬山碧桃花下景長閑神仙得似紅兒

負應免劉郎憶世間

越山重疊越溪斜西子休憐解浣沙得似紅兒今日

負肯教將去與夫差

詔下人間覓好花月眉雲鬢選人家紅兒若向當時
見繫臂先封第一紗

鋒鏑縱橫不敢看淚垂玉筋正況瀾應緣近似紅兒

負始得深宮奉五官

金縷濃薰首和香臉紅眉黛入時粧當時便向喬家

見未敢將心在窈娘

喬知之故事

通霄甲帳散香塵漢帝精神禮百神若見紅兒醉中
能也應休憶李夫人

拔得芙蓉出水新魏家公子信才人若教瞥見紅兒
白不肯留情賦洛神

芳姿不合並常人雲在遙天王在塵因事愛思荀奉
倩一生閑坐枉傷神

筆底如風思湧泉賦中休謾說嬋娟紅兒若在東家
住不得登墉爾許年

一抹濃紅傍臉斜粧成不語獨攀花當時若是逢韓
壽未必埋蹤在賈家

樹裏西風日半沉地無人跡轉傷心阿嬌得似紅兒
白不費長門買賦金

五雲高捧紫金堂花下投壺侍玉皇從道世人都不
識也應知有社蘭香

戲水源頭指舊蹤當時一笑也難逢紅兒若為迴桃
臉豈比連催舉五烽

魏國夫人照夜璣若為求得與紅兒醉和香態濃春
睡一樹繁花偃繡幃

知有持盈玉葉冠前雲裁月照人寒若使紅兒風白
戴直似瑤池會上看

明媚何曾讓玉環
破瓜年幾百花顏
若教自向南朝見
定却梅粧似等閑
世事悠悠未足稱
肯將閑事更爭能
自從命向紅兒斷
不欲留心在裂繒
自隱新從夢裏來
嶺雲微步下陽臺
含情一向春風笑
羞殺凡花盡不開
捨却青娥換玉鞍
古來公子苦無端
莫言一匹追風馬
天驥牽來也不看
檻外花低瑞露濃
夢魂驚覺暈春容
馮君細看紅兒
自最稱嚴粧待曉鍾

薄羅輕剪越溪紋
鴟翅低從兩鬢分
料得相如偷見面
不應琴裏挑文君
南國東鄰各一時
後來唯有杜紅兒
若教楚國宮人見
羞把腰身並柳枝
照耀金釵簇賦鬢
見時直向畫屏間
黃姑阿母能判
剖十斛明珠也是閑
輕小休誇似燕身
生來占斷紫宮春
漢皇若遇紅兒
自掌上無因着別人
鸚鵡娥如展露紅
鏡前眉樣自深宮
稍教得似紅兒
自不嫁南朝沈侍中

擬將心地學安禪爭奈紅兒笑屬圓何物把來堪比
並野塘初綻一枝蓮

凌草漂花遶檻香最憐穿度樂營墻殷勤留滯綠何
事曾照紅兒一面粧

彫陰舊俗騁嬋娟有箇紅兒賽洛川常笑世人語虛
誕今朝自見火中蓮

渡口諸儂樂未休堯陵西望路悠悠石城有箇紅兒
白兩槩無因迎莫愁

誰向深山識大仙勸人山上引春泉定知不及紅兒
貞枉却工夫既玉田

搜神記楊
雍伯故事

傾國傾城物絕倫紅兒花下認真身十年東北看燕

趙眼冷何曾見一人

今時自是不諳知前代由來豈見遺一笑陽城人便
惑何堪教見杜紅兒

京口喧喧百萬人競傳河鼓謝星津奈花似雪簪雲
鬢今日天容是後身

青史書時未是真可能織手却狂秦再三為謝齊皇
后要解連環別與人

繡帳鴛鴦對刺紋博山微暖麝微曛詩成若有紅兒
貞悔道當時月墜雲

粧成渾欲認前朝金鳳義雙逐步搖未必慕容宮裏
伴舞風歌月勝纖腰

琥珀釵成恩正深玉兒妖惑蕩君心莫教回首看粧
面始覺曾虛擲萬金

自有閑花一面春臉檀眉黛一時新慙慙為報梁家
婦休把啼粧賺後人

梁冀
故事

輕梳小髻號慵來巧中君心不用媒可得紅兒拋醉
眼漢皇恩澤一時迴

千里長江旦暮潮吳都風俗尚纖腰周郎若見紅兒
自料得無心念小喬

月落潛奔暗解携本心誰道獨單棲還綠交甫非良
偶不肯終身作弄妻

漢皇曾識許飛瓊駕向人間作畫屏昨日紅兒花下
見大都相似更娉婷

魏帝休誇薛夜來霧綃雲縠稱身裁紅兒笑發君知
否倚檻繁花帶露開

曉月雕梁燕語頻見花難可比他人年年媚景歸何
處長作紅兒面上春

逗玉濺盆殿開邀恩光賜夜明苔紅兒若是三千
數多少芳心似死灰

畫簾垂地紫金床暗引羊車駐七香若見紅兒此中
住不勞煙篠洒宮廊

蘇小空勻一面粧便留名字在錢塘藏鷗門外諸年
少不識紅兒未是狂

一首長歌萬恨來惹愁漂泊水難迴崔徽有底多頭
面費得微之爾許才

昔年黃閣識竒章愛說真珠似窈娘若見紅兒深夜
態便應休說繡衣裳

鳳拚鶯離恨轉深此生難負百年心紅兒若向隨朝
見破鏡無因更重尋

行綰穠雲立暗軒我來猶愛不成冤當時若見紅兒
自未必形相有此言

揔似紅兒媚態新莫論千度笑爭春任伊孫武心如
鐵不辨軍前殺此人

暖塘爭赴盪舟期行唱菱歌著艷詞為問東山謝丞
相可能諸妓勝紅兒

吳興皇后欲辭家澤國重臺展曙霞今日紅兒自傾
國恐須真宰別開花

陌上行人歌黍離三千門客欲何之若教粗及紅兒
白爭敢樓前斬愛姬

休話如臯一笑時金甌中臆錦離披陋容枉把彫弓
射射盡春禽未展眉

長恨西風送早秋低眉深恨嫁牽牛若同人世長相
對爭作夫妻得到頭

謝娘休謾逞風姿未必娉婷勝柳枝聞道只應嘲落
絮何曾得似杜紅兒

總傳桃葉渡江時只爲王家一首詩今日紅兒自堪
唱不須枉唱舊來詞

巫山洛浦本無情揔爲佳人便得名今日雕陰有神
艷後來公子莫相輕

幾拋雲髻恨金墉淚洗花顏百戰中應有紅兒此多子

貞却言皇后長深宮

倚檻還應有所思半開東閣見嬌姿可中得似紅兒

貞若遇韓朋好殺伊

曉向粧窓與畫眉鏡中長欲助嬌姿若教得似紅兒
貞走馬章臺任道遲

鍊得霜華助翠鈿相期朝謁玉皇前依稀有似紅兒
貞方得吹簫引上天

重門深掩幾枝花未勝紅兒莫大誇王相不能探物
理可能虛上短轅車

唐詩卷之九
前代休憐事可奇後來還出有光輝爭如畫卧紗窓裏不有神人覆玉衣

化羽嘗聞赴九天只疑塵世是虛傳自從一見紅兒
貞始信人間有謫仙

從道長安小市東巧將花貞占春風紅兒若是同時
見未必伊仙入紫宮

人間難免是深情命斷紅兒向此生不似前時李永
相枉拋才力爲鶯鶯

鳳舞香飄繡幕風暖穿馳道百花中還緣有似紅兒
貞始道迎將入漢宮

休道將軍出世才盡驅諸妓下歌臺都緣沒箇紅兒
貞致使輕教後閣開

馮媛須知住漢宮將身只是解當熊不聞有貞傾人
國爭得今朝更似紅

能將一笑使人迷花艷何須上大堤踈屬便同巫峽
路洛川真是武陵溪

辭輦當時意可知寵深還恐寵先衰若教得似紅兒
貞占却君恩自不疑

三吳時俗重風光未見紅兒一面粧好寫妖饒與教
看便應休更話真娘

波平楚澤浸星辰臺上君王宴早春畢竟章華會中
客冠纓虛絕爲何人

紅兒不向漢宮生便使雙成謾得名疑是麻姑惱塵
世暫教微步下層城

天碧輕紗只六銖宛如含露透肌膚便教漢曲爭明
媚應沒心情更弄珠

共嗟含恨向衡陽方寸花殘寄沈郎不似紅兒紫子
貞當時爭得少年狂

淺色桃花亞短牆不因風送也聞香疑情盡日君知
否還似紅兒淡薄粧

火色櫻桃摘得初仙宮只有世間無疑情盡日君知

否真似紅兒口上朱

宿雨初晴春日長入簾花氣靜難忘疑情盡日君知

否真似紅兒舞袖香

初月纖纖映碧池池波不動獨看時疑情盡日君知

否直似紅兒罷舞眉

濃艷濃香雲壓枝裊煙和露曉風吹紅兒被掩粧成

後含笑無人獨立時

樓上嬌歌裊夜霜近來休數踏歌娘紅兒謾唱伊州

遍認取輕敲玉韻長

金粟粧成拒臂環舞腰輕薄瑞雲間紅兒生在開元
未羞殺新豐謝阿蠻

君看紅兒學醉粧誇裁官纈研裙長誰能更把閑心
力比並當時武媚娘

扼子同心裏露垂折來深恐没人知花前醉客頻相
間不贈紅兒贈阿誰

雲間翡翠一雙飛水上鴛鴦不暫離寫向人間百般
態與君題作比紅詩

舊恨長懷不語中幾回偷泣向春風還緣不及紅兒
只却得生教入楚宮

一舸春深指鄂君好風從度水成紋越人若見紅兒
面繡被應羞徹夜薰

花落塵中王墮泥香魂應上窈娘堤欲知此恨無窮
處長倩城烏夜夜啼

虬詞藻富贍與宗人隱鄴齊名咸通乾符中時號三
羅廣明庚子亂後去從鄜州李孝恭籍中有杜紅兒

者歌常爲副戎屬意副戎聘鄰道虬請紅兒歌而贈
綵孝恭以副戎所盼不令受之虬怒拂衣而起詰旦

手刃紅兒旣而思之乃作絕句一篇以追其冤號此
紅盛行於時

羅隱劉贊

字昭諫餘杭人隱池之梅根浦自號江東生為唐相
鄭畋李蔚所知畋女覓隱詩諷誦不已畋疑有慕才
意負寢陋女一日簾窺之自此絕不誅其詩廣明中
池守竇滂營野君之光啓中錢鏐辟為從事節度判
官副使梁祖以諫議召不行開平中魏博羅紹威推
為叔父表授給事中年八十餘終餘杭有子
隱虬歎共塲屋謂之三羅

隱與桐廬章魯封齊名錢鏐初起以魯封為表奏孔
目官不就執之後以隱為錢塘令懼而受命因宴

口號曰一箇禰衡容不得思量黃祖謾英雄鏐自是
厚禮之僧貫休懷二子詩云二子依公子鷄鳴狗盜
徒青雲十上苦白髮一莖無風濛潮聲惡天空角韻
孤別離千萬里何以慰榮枯隱謝裴廷韓詩卷云澤
國佳人唯粧半面營丘辯士何用空籠其浮薄如此
隱受知於令狐綯卒無成有詩哭綯云深恩無以報
底事是柴荆

鄴都王紹威學隱為詩自號其文為偷江東集青州
王師範遣使齎禮幣求一篇隱以詩寄之曰盛業傳
家有寶刀况聞餘力更揮毫腰間印綬黃金貴卷內

唐紀卷之九
文章白雪高宴罷佳賓吟鳳藻獵回諸將問龍韜登
壇甲子纔三十猶擬回頭奪錦標王得詩大喜昭宗
欲以甲科處之有大臣奏曰隱雖有才然多輕易明
皇聖德猶橫遭譏將相臣僚豈能免乎凌爍帝問譏
謗之詞對曰隱有華清詩曰樓殿層層佳氣多開元
時節好笙歌也知道德勝堯舜爭奈楊妃解笑何其
事遂寢令狐滈趙公緇之子登進士隱以詩賀之趙
公謂滈曰吾不喜汝及第喜汝得羅公一篇耳隱在
浙幕沈山松得新榜示隱題其末曰黃土原邊狡兔
肥犬如流電馬如飛霸陵老將無功業猶憶當時夜

獵歸

鍾陵妓雲英隱舊見之一日譏隱猶未第隱嘲之曰
鍾陵醉別十餘春重見雲英掌上身我未成名君未
嫁可能俱是不如人

顧雲依淮南高駢隱譏之夏飲於海風亭雲曰青蠅
被扇扇離坐隱遽曰白澤遭釘釘在門

隱老不遇有歸五湖詩云江東日暖花又開江東行
客思悠哉高陽酒徒半凋落終南山色空舊鬼聖代
也知無棄物侯門未必用非才一舸明月一竿竹家
住五湖歸去來

進士劉替贈德詩曰人皆言子屈蠶我謂君非明主
既難謁青山何不歸年虛侵雪躋塵柱污麻衣自古
逃名者至今名豈微

牡丹云似共東君別有因絳羅高卷不勝春若教解
語應傾國任是無情也動人芍藥與君為近侍芙蓉
何處避芳塵可憐韓令功成後幸負穠華過此身

籌筆驛云拋擲南陽為主憂北征東討盡良籌時來
天地皆同力運去英雄不自由千里山河輕孺子兩
朝冠劍恨誰周惟余品下多情水猶解年年傍驛流
魏城逢故人云一年兩度錦江游前值東風後值秋

芳草有情皆礙馬好雲無處不遮樓山將別恨和心
斷水帶離聲入夢流今日因君試迴首澹煙喬木隔

綿州

中秋夜不見月云陰雲薄暮上空虛此夕清光已破
除只恐異時聞霽後玉輪依舊養蟾蜍
蜂云不論平地與山尖無限風光盡被沾採得百花
成蜜後不知辛苦為誰甜

杜荀鶴錢塘別隱詩云故國看看遠前程計在誰五
更吹角候一葉渡江時吾道天寧喪人情日可疑西
陵向西望雙溪為君垂

唐詩紀事卷第六十九
江常有一氣巨手江終夜不滅隱及社建徽生氣
不復見議者以為文武秀氣

江南李氏嘗遣使聘越越人問見羅給事否使人曰
不識亦不聞名越人云四海聞有羅江東何拙之甚
使人曰為金榜上無名所以不知

陸泉

宸詩有今秋已約天台月之句或云宸昭宗末舉進
士及第六月榜出盛暑同舍戲曰造榜天也觀宸此
詩豈幸倉猝苟科第者

唐詩紀事卷第六十九

